

Inuit Ukiuqtaqtumiuqatigiit Katimajingit Kanatami

2025-2026

Arragutamaaq Unikkaaliat



Nainaaqsimajut

AGM	Arraagutamaaqsiut Katimaniq
AMAP	Ukiuqtaqtumi Qaujisarniq amma Qaujisarnirmut Piliriat [Ukiuqtaqtumut Katimajingit]
CASI	Salumajuq Ukiuqtaqtuq Usijulirinirmut Pigiaqtitausimajuq
CAFF	Papattiniq Ukiuqtaqtumi Pirussianik amma Uumajurnillu [Ukiuqtaqtumut Katimajingit]
CAOFA	Qitianiq Ukiuqtaqtuup Tariungani Ikalulirinirmut Angiqatigiiguti
CBD	Angiruti Uumajuit Ajjiinginniaqtunut [UNEP]
CBMP	Nunalinnut–Turaangajuq Qaujisarnirmut Piliriat
CCG	Kanatami Sikusiutikkut
CITES	Katimaniq Nunarjuarmi Tauqsiiqattautinirmut Nunguliqtunut Uumajuit amma Piruqsiat
COP	Piliriqatigiinut Katimaniq
EPPR	Tuavirnaqtunik Pittailittitiniq, Pannassimajaarniq amma Kiujjutiit [Ukiuqtaqtumi Katimajiiit]
FJMC	Iqalulirinirmut Katujjiut Aulattijiit Katimajingit [Inuvialuit Nunangat]
GAC	Nunarjuarmi Piliriat Kanatami
ICAP	Nunaqaqqaqsimajut Silami Aulajjaigiarnirmut Katujjiqatigiit
ICC	Inuit Ukiuqtaqtumiuqatigiit Katimajingit
ICC KN	ICC Kalaallit Nunaat
ICPC	Inuit–Kanata Piliriqatigiit Katimajiralaangit
IMO	Nunarjuarmi Umiaaruallirinirmut Katujjiqatigiit [UN]
INC	Gavamauqatigiit Aajiiqatigiiktingit Katimajiralaat Nunarjuarmi Angiqatigiigutimut Qillajukianut Sururnaqtunut [UNEP]
IPCC	Gavamauqatigiit Katimajingit Silaup Asijjiqpallianinganut [UN]
IRCC	Inuvialuit Pivalliajulirijingita Kuapuriisanngaani
ISR	Inuvialuit Pivalliajulirijingita Kuapuriisanngaani
ITK	Inuit Tapiriit Kanatami
ITO	Inuit Angiqatigiigutikkut Katujjiqatigiit
IYEP	Inuit Inuusuttut Ilautittinirmut Piliriat [ICC]
IUCN	Nunarjuarmi Katujjiqatigiit Sapujjauninganut Nuna
LCIPP	Nunaliit amma Nunaqaqqaqsimajut Katimajingit [UN]
MEPC	Imarmiutalirinirmik Sapujjiit Katimajiralaat [IMO]
Minamata	Minimata Angiqatigiigutinga Sururnaqtunut Savirajat [UNEP]
NICoH	Kanatami Inuit Katimajiralaat Aanniaqtulirinirmut
NIYC	National Inuit Youth Council
NGO	Gavamaungittut katujjiqatigiit
NTI	Nunavut Tunngavik Timinga
PAME	Sapujjausimaningiq Ukiuqtaqtumi Imarmiutait [Ukiuqtaqtumut Katimajingit]
PBRs	Angiqatigiiguti sapujjauninginnut nanuit
PP	Ilaunginnaqtuq [Ukiuqtaqtumut Katimajingit]
Stockholm POPs	Stockholm Angiqatigiiguti Sururnaqtunut [UNEP]
ROADS	Aqqutiksaq Ukiuqtaqtumi Nauttiqsurinirmut ammalu Tukisigiarutiksanut Aulajjutinut [SAON]
SAOC	Innait Ukiuqtaqtumi Angijuqqautinut Iksivautaq [Ukiuqtaqtumut Katimajingit]
SAON	Kasijutittiniq Ukiuqtaqtumi Qaujisaqtinut Timinga [Ukiuqtaqtumut Katimajingit]
SDWG	Kajusiinnarunnaqtut Pivalliatittinirmut Piliriqatigiiktut [Ukiuqtaqtumut Katimajingit]
SCG	Qaujisarutinut Tukimuaqtittijiit [CAOFA]
UN	Nunarjuarmi Katujjiqatigiit
UNDRIP	Nunarjuarmi Katujjiqatigiit Sulinirarutimut Pijunnauti Nunaqaqqaqsimajunut
UNEP	Nunarjuarmi Katujjiqatigiit Avatilirinirmut Piliriat
UNFCCC	Nunarjuarmi Katujjiqatigiit Aaqqiumaninganut Angirutinga Silaup Asijjiqpallianinganut
UNPFII	Nunarjuarmi Katujjiqatigiit Qaujisarnirmut Nunaqaqqaqsimajut Pijjutigillugit
QIA	Qikiqtani Inuit Katujjiqatigiingit

Ilulingit

<u>Angijuqqaap Uqausiksanga</u>	1
<u>Traagarijavut amma Atugaksarijavut</u>	3
<u>Katujjiqatigiit Aaqqissimaninga</u>	5
<u>Inuit Sivulliujjauqujangit Silarjuarmut</u>	7
<u>Tikititaulutik</u>	
<u>Ukiuqtaqtuq Angirravut</u>	9
<u>Katujjiniq Qaujimanittinnik ammalu</u>	15
<u>Sapujjiniq Imaqutittinnik</u>	
<u>Silaup Asijjiqpallianinga</u>	23
<u>Uumajuliriniq Avatilirinirlu</u>	31
<u>Inuqutivut amma Iliqqusivut</u>	41
<u>Kinaujat Unikkaat</u>	49
<u>Tunirrusianik Nalunaiqsiniq</u>	52



Angijuqqaap

Upigusuttunga unikkaariassa taassumunga Arraagutamaaqsiut Unikkaangani takussautittimmat nalunaijaqtausimajunik piliriarilauqtanginni ICC–kunnut Kanatami arraaguulauqtumi tunijaujumallutit Inuit Qaujimajatuqangit amma sivulliqpauqujangit nunarjuarmi pijjatauut ajjigiingittuunik isumaliurutaunasuttunut katimaniujunik namituinnaq nunarjuarmi.

Quviasuutiqaqtummariujugut tamaani arraagumi. Arraagugasarnik ajauqtuilauqtilluta, ICC–kut tunisijaulaurmata Taimanginnaniaqtumik Tusariarviqarnirmut Ilisarijaujtitumik taikani Nunarjuarmi Umiarjulirinirmut Katujjiqatigiit (IMO), sivulliqpaangullutit amma Nunaqaqqaqsimajut Katujjiqatigiit ilauqataujut taassumunga ajjiungittumut Nunarjuarmi Katujjiqatigiit pilirivinganut. ICC–kut Kanatami aulattisimmammata ICC–kunnut Nunarjuarmi Umiarjulirinirmut Katujjiqatigiit taimanngani saqqiqtaulauqsimmamanik ammala quvianaqtmariulauqtuq katimajuniigiassa takujautillugit kajusinirisimajavut. Nipiqainnarunnarnialiqtiluta tavvani IMO–kunni, pannagunnaqsijugut–akuniujukkut pilirariniaqtatinnik Inuit Qaujimajatuqangit amma sivulliqpauqujangit ilaliujjaujunnaqullugit Ukiuqtaqtumi usijulirinirmut atuqtaujarialinnut. Uumajulirinirmut amma avatilirinirmut piliriavut, sivulliqpaamik katimaniqalauqtut ilagijanga Timiujuq Ilagutanga 8(j) mitsaanut ataaniittuq Nunarjuarmi Katujjiqatigiit angiqatigiigutangan Uumajuit Ajjigiinginnuijunut Utupiri 2025–mi arraagugasarnik ajauqtuilauqtilluta. Una timiujuq Angirutimut pitaqaqtittijuq atuqtaujuunarnanginni Nunaqaqqaqsimajut Qaujimajatuqangit, Nunaqaqqaqsimajut Pijunnautingit, amma Nunaqaqqaqsimajut ikajuqtuisimaningit ilaliujjauqullugit nunarjuarmi uumajuit ajjigiinginnuijunik pilirianganut.

Angirratinni Inuit Nunangani, ICC–kut Kanatami quviasuutiqaalauqtut tikkuaqtauningani Inuk sivuliqti Virginia Mearns–mik Kanatamut Ukiuqtaqtumi Kingaqtuijunimut. Kigaaqtuijuluni amma Angijuqqaangulluni Ukiuqtaqtumi Pilirijimmarik Kanatamut tavvani Ukiuqtaqtumut Katimajinginnut, piliriqatigigumattiarniaqtavut kiggaqtuiji Mears ammalu Kanataup Gavamakkungit atuliqtitauningani Kanataup Ukiuqtaqtungani Silataanut Atuagaq qanutuinnaq ikajuqtuiniarmat Inuit pijarialinginni amma pijumajanginni. Isuani 2025/pigiarnanganni 2026, Salumajuq Ukiuqtaqtumi Usijulirinijinut Pigiaqtissimajavut (CASI) kajusisittillauqtuq turaagarillatitinnit: Inuit Angiqatigiigutikkut Katujjiqatigiit, ITK, ICC Kanata, ammalu Memorial University atiliulauqtut piliriqatigiinnirmut angiqatigiigutimik. Una angiqatigiiguti pittittijuq uuttuutimik qanuq Inuit namminiqsurunarningit piliriarijaujunarmangaata piliriqatigiillarinikkut ilinniaqtulirinirmutq piliriqatigijattinni. Niriuppugut sivumuaqpalliatittinirmik amisummariujunik qaujisarutinik piliriarijattinni ataaniittut CASI tamaani arraaguuniaqtumik.

Alianaigilauralauqtillugit kajusiniujut tamaani arraaguujumik, pimmariummata sulis aksuruutauvattut nunarjuarmi piliriqatiginiuvattunik tukiqattiaqtumi ilauqatauqattaqujivugut Inunnik amma pijunnautivut kajusiinnaqullugit. Sukajumik asijjipalliatillugu pijjatauut Ukiuqtaqtumi gavamalirinirmut mitsaanut, ICC–kut pilirianga pimmariluiqpalliatuinnauqtuq: aipparillugit Ukiuqtaqtumiuqativut Nunaqaqqaqsimajut, katutillugit kamagittianginnaqtavut Ukiuqtaqtuq taimanngalimaattiaq. ICC–kut sulis katinngatiaqtutik piliriaqaqpattut turaagattinni, kiggaqtuijilimaattiat Namituinnaqsimagaluaqpata.

Uqausiksanga

Saqqiqtausimangikkaluaqpat tavvani Arraagutamaaqsiut Unikkaangani, pannautiqaqtummariulauqtugut aggitumut 15–ginialiqtangani ICC–kut Katimavijjuarninga. Quviasuuttummariuvugut katimatittilaarianga taassumunga angijummarialummik katimaniulaaqtumik Iqalunni Julai isuani 2026 piliriqatigilugit Nunavut Tunngavikkut... Arraagutamaat 4 aniguraimmata, Katimavijjuarnirjavut katitittivattuq Inunnik Ukiuqtaqtumiingaqsimajunik nakituinnaq uqausiqariaqtututit pimmarialuujunik Ukiuqtaqtumi pijjatauvtunik, pannautiliuqpallialutillu ICC–kut piliriassanginni aggitunik arraagunut 4–nut, amma quviasuutigijaulunilu iliqqusivut.

Kingulliqaangani Katimavijjuarniup, katimajaqtusimajuqativut nakituinnaqsimajut Ukiuqtaqtumi nirualaaqtuq nutaamik nunarjuarmi ICC–kut Iksivautassangani. Iksivautaulaaqtuq 2026–mi 2030–mut ICC–kut nunarjuarmi sivuliqtinga Inuuluni Kanatamiinnaqsimajuq. Quviasuttiaqpugut tunngasuttigianga amma piliriqatigilaanirjavullu nutaaq ICC–kut Iksivassanga arraagunut 4–nut aggitunut sivumuaqpallialutigit Inuit sivulliqpauqujangit, turaagangit, amma pijunnautingit nunarjualimaamuungajut.

Niriuttugut upattausimattialaarningani Katimavijjuarniq, isumagijaujunik uqaqatigiillutit, mamatallutit niqillarittinni, kajunngiqsailutit pinnguaqtiit ajunnginnirjammarialunginni sanannguaqtiit, ammalu turaanganiaqtunik tautugutittinik piliriassanut pannailuta 2026–mi 2030–mut ICC–kunnut. Takugumalaaqpasi Iqalunni!

Qujannamiillarippavut kiinaujaqaqtittijivut amma tunisiqattaqtut – ikajuqtuininirijasi piviqaqttiqattarmata uvattinni nilliagutigigumajatinni nunarjuarmik ikajuqtuijjutauniaqtunik Inulimaanut.

Quyanainni,



HERB ANGIK NAKIMAYAK
ICC KANATAMI
ANGIJUQQAANGUKAINNAQTUQ



AJJILIURIJUMINIQ: DANIELLE BAIKIE



Traagarijavut amma Atugaksarijavut

Inuit Ukiuqtaqtumiuqatigiit Katimajingit Kanatami (ICC Canada) kiinaujaliurasuaqtunati katujjiqatigiingujuq angiqsimattiaqtut kigngaqtuigianga pijumanirijanginni Inuit Kanatami pijjutiqaqtut nunarjualimaamik pimmarijunik. Nassapattavut Inuit isumaaluutingit Kanataup silataanut pijjutaunuk nunarjuarmik katimaniujunik quttinissakkut isumaliuratauvaliajunik aaqqissuiqattaqtut attuiqaqtunik Inuit nunaqutinginni. Tukimuagiaqtittivattugut, ajauqtuilluta, ammalu quviasuutiqaqtuta atangittiaqtunik Inuit iliqqusinginni: qaujimanirijattinni, uqausittini, sanannguapattatinni, uppirijattinni, ammalu unikkaarijattinni.

ICC Kanatami 4-ngujuq allavvitinni nunarjuarmi Inuit Ukiuqtaqtumiuqatigiit Katimajinginnut. ICC-kut pigiaqtitauauqtuq 1977-mi, Iñupiaq Sivuliqti Eben Hopson Angijuqti qaiqujilaummat Inunnik sivuliqtinik Alaskamiutanik, Kanatamiutanik, amma Kalaallit Nunaatnimiutanik katiqullugit amma sanaqullugit katujjinikkut, taimaattiaq kiujjutiqaqattarniarlutit aksurunnaliqpalliatuinnattunik saangajaujunik Inuit inuusinginnut. Qujannamiik angiqsimattiarninginnut Inuit sivuliqtingit nakinngaaruulujaqsimajut Ukiuqtaqtumi nunarjuarmi, ICC-kut maannaujuq pimmarialuulluni nunarjualimaamik Nunaqaqqaqsimallutik Katujjiqatigiinguliqtut. Aulataullutit niruaqtausimajunut Aulattijiit Katimajinginnut, ICC-kut angiqsimattiaqtut ajauqtuijarianga Inuit pijunnautinginni amma sivulliqpauqujanginni nunarjualimaamuungajunik.

ICC-kut piliriarivattangit Katimavijjuarnirmik, arraagu 4 aniguraimmata asiani nunalimmi Inuit Nunanganuqpattut. Katimavijjuatillugit, katimajaqtuqsimajut nakituinnaaqsimavattut Ukiuqtaqtumi aviktuqsimaniujunik niruaqpattutillu nutaamik Iksivautassamik, upigusuttutit amma quviasuutiqaqtutit Inuit iliqqusinginni, aaqqissuisinnaa atuagarnik, amma atuliqtitivattut nalunaiqsijjutimik aaqqissuijutauniaqtumik ICC-kut qanuiliurutigivattanginnut arraagunut aggitunut. Malittugu Katimavijjuarniq, katimatittivattug ICC-kut Iksivautanga – nunarjuarmi sivuliqti – nallikitautilutit 1-mi aviktuqsimaniujumik asianut. Kanata Katimatittilaqtuq 15-gilaqtangani ICC-kut katimavijjuarningani Iqalunni, Nunavummi, Julai 22-mi 25-mut amma iksivautaukannilaqtugut nunarjuarmi iksivautaunirmut kingullipaaq ullungani Katimavijjuanirup.



Tukimuqatittiniq piliriqatigiinnirmik inunnik Kanatamiutani ammalu Inuit Alaaskamiutanik, Suukatkami, ammalu Kalaallit Nunaannit.



Nunarjuarmiunut aqutitigijauluni Inuit Kanatamiutat isumaaluutigijamikni uqausiqarniarmata nunarjuarmi timiujunut, nunarjuarmi katimaniujunut, gavamauqatigiit katimaninginnut, nunarjuarmi-gavamaungittunut katujjiqatigiinut, ammalu nunarjuarmi nunaqaqqaqsimajut pivallianirijanginnut.



Saqqijaaqtittiluni, sapujjiluni, ammalu quviasuutiqarluni Inuit pijunnautinginnik ammalu iliqqusinginnik nunarjualimaami.



Aaqqissuiqatigarluta Inuit Angiqatigiigutikkut Katujjiqatigiinginni Kanatami nunarjualimaamik pijjutiqaqtunik.



Kiggaturlugit isumagijaujut Inunnut Kanatami taikani Aulattijiit Katimajinginni ICC-kunntut amma atuliqtillugit piqujivungaarutiit amma nalunaiqsijjutiit ICC-kut Katimavijjuarninginni Kanatami.



Piliriqatigarluta ilauqataunginnaqtunik uvagut Katimajinginnut (ITK, Pauktuutit, amma NIYC) nilliaqatigainnarumajugut Kanataup Gavamakkunginni pijjutiqaqtunik nunarjualimaamik pimmarijunik Inunnut.

Katujjiqatigiit

ICC KANATAMI KATIMAJINGIT MAATSI 31, 2025-MI

Katimajinut Aulattiji	Katimajit	Ilaunginnarniaqtut (Niruarunnangittut)
HERBERT NAKIMAYAK Angijuqqaangukainnaqtuq NATAN OBED Angijuqqaap Tungilinga Kanatami Piliriat Innussimangittuq Julai 2026–rurasuarninganut Angijuqqaap Tungilinga Silarjuamipiliriangujunut PITA AATAMI Titiraqti - Kamagijaqarluni Kiinaujanik	PAUL IRNGAUT Angijuqqaq Nunavut Tunngavik Timinga PITA AATAMI Angijuqqaq Makivvik JOHANNES LAMPE Angijuqqaq Nunatsiavut Gavamangat ERWIN ELIAS Iksivautaqaulattijimmarik Inuvialuit Pivalliajulirijingita Kuapuriisanngani	LAISA AUDLALUK-WATSKO Katimajinut Iksivautaukainnaqtuq Pauktuutit GWEN NATSIQ Angijuqqaq Kanatami Inuit Inuusuttunut Katimajit

ILISAQSINIQ ANGIRUTASIMAJUNIK AMMA SIVULIQTUNI

Qujannamiirumajavut Natan Obed ICC–kunnut Kanatami Angijuqqaap tungiligikainnalaurmagu Viivuari 2025–mi Sitimpiri 2025–mut. Qujannamiirmijavut Duane Smithmi, Iksivautaulaurninganut amma Aulattijiulluni Inuvialuit Nunangani, arraagu 10–kutaanut ICC–kunnut Kanatami Katimajiulaurmat, Januari 2016–mi Januari 2026–mut.

Aaqqissimanninga

ICC AULATTIJIIT KATIMAJINGITA MAATSI 31, 2026-MI


SARA OLSVIG ICC IKSIVAUTARIJAUJUQ			
KALAALLIT NUNAAT	KANATA	SUKATKA	ALAASKA
HJALMAR DAHL ICC Kalaallit Nunaat Angijuqqanga & ICC Iksivautaup-Tungilinga KATHRINE BØDKER Katimajit	HERBERT NAKIMAYAK ICC Kanatami Angijuqqaangukainnaqtuq & ICC Iksivautaup-Tungilinga NATAN OBED Katimajit	VALENTINA LEONOVA ICC Sukatka Angijuqqanga & ICC Iksivautaup-Tungilinga EGOR VERESHAGIN Katimajit	MARIE GREENE ICC Alaaska Angijuqqanga & ICC Iksivautaup-Tungilinga NICOLE KANAYURAK WOJCIECHOWSKI Katimajit



Inuit Sivulliujjauqujangit

ICC-kut Kanatami sivulliqpauqujangit aaqqittauvattut Katimajinut. Tusarviqaqpammijugut ilauqataujunik Kanatami katimajiralaanik, ammalu ilauqataunirijattinni ICC-kut Katimajiralaanginnut amma Kamisannut, ilaliujiinaqtugut aviktuqsimaniujunik kiggaqtuijinik Kanatamiinngaaqsimajunik. Piliriqatiginirjavut ICC-kut allavvinginni Alaskami, Kalaallit Nunaanit, amma Chukotkami, Inuit nipingit tusaqtatiqattaqtavut uqautautillugit Ukiuqtaqtumi angirravut. 2025–mi 2026–mut, ICC-kut Kanatami ilauqataulauqtut qanuiliurniujunik 15–ni ajjigiingittunik nunalirjuanik, 5-nik nunarjuani, saniani amisummariit qarisaujukkat katimaniujunik nunarjuarlimaaniirngaaqsimajunik ilauqataulutit.

Nalunaijaqsimajut amma saqqipalliajut attuaniqaqtut atuni taakunninga katimaniujunik atuinnaujut unikkaami. Amiangit attuangajut titiraqsimajunik tavvani unikkaamik ammalu atuni qanuiliurniujuq naqigassaujuq turaaqittiniaqtut attuniaqaqtumut mappingarmut unikkaamik.



01 INUPIAQ AMMA INUVIALUIT QILALUGARNIK AMMA NANURNIK AULATTIJIIT KATIMANINGIT UTQIAĖVIK, USA AAGASTI 12-22, 2025

02 ICPC-KUT SIVULIQTINGITA KATIMANINGA INUVIK, KANATA JULAI 24, 2025

03 ICPC-KUT INUIT NIQIATTIARIAQARNINGINNUT PILIRIQATIGIINUT KATIMANINGIT INUVIK, KANATA TISIMPIRI 2-4, 2025

04 CASI KATIMANINGIT CALGARY, KANATA TISIMPIRI 15-17, 2025

05 KATIMAJIIT AND AGM IQALUKTUUTIAQ, KANATA SITIMPIRI 19, 2025

06 CBD SB 8(J) PANAMA CITY, PANAMA UKTUPIRI 27-30, 2025

07 NICOH IQALUIT, KANATA MAI 27-30, 2025

08 ICC AULATTIJIIT KATIMAJINGITA KATIMANINGA IQALUIT, KANATA MAI 21-23, 2025

09 KANATAMI INUIT TUKISIGIARUTISSANGINNI AULATTIJIIT KATIMARAALAANGITA KATIMANINGA HALIFAX, KANATA VIIVUARI 2-3, 2026

10 UNFCCC COP30 BELEM, BRAZIL NUVIMPIRI 10-21, 2025

11 ICC INUIT ARNAIT KATIMAVIJUARNINGA SISIMIUT, KALAALLIT NUNAAT UKTUPIRI 27-29, 2025

12 SIKULIRINIRMUT QAUJIMAJITAT AMMA AKUKITTUMI QAUJISARNIQ NUUK, KALAALLIT NUNAAT NUVIMPIRI 9-13, 2025

13 MATUIQTAUNINGA KANATAMI KIGGATUTINUT NUUK, KALAALLIT NUNAAT VIIVUARI 6-7, 2026

14 IPCC-KUT KATIMANINGIT PILIMMASAQINNAA READING, UK VIIVUARI 10-12, 2026

15 IMO MEPC LONDON, UK AIPURU 7-11, 2025

15 IMO-KUT KATIMAJINGITA KATIMANINGA LONDON, UK JULAI 7-11, 2025

15 IMO-KUT KATIMAVIJUARNINGA LONDON, UK NUVIMPIRI 30-TISIMPIRI 4, 2025

16 CBD ALLAVINGA QAUJIMAJITANUT PILIRIQATIGIIT KATIMANINGA PILIMMASAQINNAA BERGEN, NORWAY TISIMPIRI 2-5, 2025

17 STOCKHOLM ANGIQATIGIIGUTINGA COP-12 GENEVA, SWITZERLAND AIPURU 28-MAI 2, 2025

17 UNEP-INC 5.2 AAJIQATIGIINNINGIT GENEVA, SWITZERLAND AAGASTI 5-14, 2025

Silarjuarmut Tikititaulutik

17 UNEP-INC 5.3 AAJIQATIGIINNINGIT GENEVA, SWITZERLAND VIIVUARI 8, 2026

17 MINAMATA ANGIQATIGIIGUTINGA COP6 GENEVA, SWITZERLAND NUVIMPIRI 3-7, 2025

17 MINAMATA ANGIQATIGIIGUTINGA GENEVA, SWITZERLAND VIIVUARI 8-10, 2026

18 LCIPP BONN, GERMANY JUUNI 10-13, 2025

18 UNFCCC SB 62 BONN, GERMANY JUUNI 16-26, 2025

19 UN TARIULIRINIRMUT KATIMANIQ NICE, FRANCE JUUNI 9-13, 2025

20 UKIUQTAQTUMI QAUJISARNIRMUT KATIMANINGA PINASUARUSIQ AARHUS, DENMARK MAATSI 25-AIPURU 1, 2026

21 CAOFA-COP4 TROMSØ, NORWAY JUUNI 3-5, 2025

22 UKIUQTAQTUMUT KATIMAJINGIT SAOC-PP KATIMANINGIT TROMSØ, NORWAY JUUNI 16-17, 2025

22 UKIUQTAQTUMUT KATIMAJINGIT SAOC-PP KATIMANINGIT TROMSØ, NORWAY VIIVUARI 2, 2026

22 2026 UKIUQTAQTUMI KILLINGA TROMSØ, NORWAY VIIVUARI 3-5, 2026

23 IUCN NUNARJUARMISAPUJISI-MANIRMUT MALIGALIURVIK ABU DHABI, UAE UKTUPIRI 9-13, 2025

24 TARIUVUT KATIMANIQ BUSAN, SOUTH KOREA AIPURU 28-MAI 1, 2025

25 CAOFA 4TH SCG KATIMANINGIT HANGZHOU, CHINA MAATSI 24-27, 2026

26 CAOFA QAUJISARNIRMUT IKALULIRINIRMUT PILIRIQATIGIIT TOKYO, JAPAN VIIVUARI 3-5, 2026

27 ICAP KATIMANINGIT NUKU'ALOFA, TONGA JAANUARI 26-30, 2026

Ukiuqtaqtuq Angirravut

Ukiuqtaqtuq angirrariinnarattigut taimanngalimaaq. Ukutiguuna Ukiuqtaqtumi Katimajingitigut ammalu asingit nunarjualimaamik katimaniujukkut, ICC-kut sivumuaqpalliajut Inunnik sivuliqtunirmik aaqqissuqtauninganut sivunissavut tamaani katujjatinni nunagijattinni. Nassapattugut kinguvaariinut silatuniujunik amma inuusirmut atuqtausimajunik, isumaliurutauvattut ukiuqtaqtuq mitsaanut saqqijaaqtittimmata pijaujarialinnik amma pijumanirijajunik taakkununga nunaqaqtunut tamaani.

“*Ukiuqtaqtuq nunagigattigut. Aaggaanginnaqtugut nunaqtivut uvvaluunniit inuqtivut niuviaujumatillugit sunatuinnaqtitut uvvaluunnit niuviaqtaulutit. Piliriqatiqaattaqtugut tunngaviqtumik nilliaqatigiinnirmik, ippigusuttiaqtuta Inunnik Inuit pijunnautinginni. Ukiuqtaqtuq nunagiinnarattigut taimanngalimaaraluk [...] Pijjutiqaqtuq pituinnaungittugut Inuit pijunnautinginni, pijunnautinginni Nunaqaqqaaqsimajut, ammalu nunarjualimaamik piliriqatiqarnirmik tunngaviqaqtuq nunarjualimaamut maligarmik. Pituinnaungittugut nunarjuaq tilisijumaningani pittailittinirmik – taimaikkaniqtittittaililluta – pikammattausimaninginni, piluaqtumik Nunaqaqqaaqsimajunut.”*

ICC-KUT IKSIVAUTA SARA OLSVIG, VIIUVARI 27, 2026

Ukiuqtaqtumut Katimajingit

“Ukiuqtaqtumut Katimajingit pigiaqtitaulauqtuq tautugarijauulluni sailiniq, piliriqatigiinni, amma ippigusuttiani pijunnautinginnut Ukiuqtaqtumi Nunaqaqqaasimajut – atuagat taimainginnangillutit kisiani sanngaqtitaugiarlutit. Pigiaqtittiqaatausimalluta, Inuit sanajuut taassuminga. Katimajiit sivunissanga piliriaqariaqaqtut sukajummarialukkut attuiniuvalliajunik silaup asijjipallianinganut, makimatittillutit Inuit pijunnautinginni, ammalu Nunaqaqqaasimajut Qaujimajatuqangit atuqtaulutit aaqquisuqtauningani kamattiaqtut Ukiuqtaqtuq aulatauningani.”

ICC-KUT KATIMAJINGA
NATAN OBED, MAI 12, 2025

ICC–kut saqqiittiqataulauqtuq Ukiuqtaqtumi Katujjiqatigiikkunginni ammalu 1-ngani taakkua 6–ngujut Ilaunginnarniaqtut. Katimajiit ilauqatauqattaqtut amisunut nunarjualimaamut Ukiuqtaqtumi ikajuqatigiinnirmik Kiggatuqtujunut, Ukiuqtaqtumi Nunaqaqqaasimajunut, ammalu takurannaariaqtusimajunullu. Kisianili, nunarjuarmi gavamaliriniq sulit attuiqattarmat Katimajinik, ilagijauulluni Russiami unatavirjuarniujuq Ukrainemi. Innait Ukiuqtaqtumi Angijuqqautingit qatiqatigaqattangittut ammalu aulattivattut titiqqainakkut atugaagarni, ilangit 6 Piliriqatigiittut Katujjiqatigiit qarisaujukkat katimaqattaqtut sulit. ICC–kut Kanatami ilauqatauqattaqtut amisunut Qaujimajitarnut Katujjiqatigiinik amma Kiggatuqtinut Katujjiqatigiit katimaninginnut taakkununga piliriqatigiittunut katujjiqatigiikkunnut sivumuaqtitauqullugit Inuit sivulliqaupauqjangit amma piliriangit.

TAMAANI ARRAAGUMI PIMMARIALUIT QANUILIURUTAUSIMAJUT

JUUNI 2025: Denmarkkut Maligaliurvingata Iksivautanga Innait Ukiuqtaqtumi Angijuqqautinut ammalu PPs–kut katimaninga, Tromsø, Norwaymi. Katimaniit tautugaqaqtut upalungaijainirmut sivulliqaupauqjanik Denmarkkut Iksivautanga Katimajinut (2025–2027) ammalu Katimaqatigaqtutik Piliriqatigiittunik kaujijumallutit aaqqissuittiarluarmangaata. ICC–kut ajauqtauilauqtut Ukiuqtaqtumut Katimajinginni–Nunaqaqqaasimajut Qaujimajatuqanginni Katimatittiqujillutit pilimmasaisinnaa ammalu ikajuqsuqtaulauqtuq taassumunga pigiaqtitausimajumut. ICC–kut aaqqissuikanniqlilauqtut Ukiuqtaqtumut Katimajinginni–ikajuqsuqtaulauqtumik qaujisarutimut piliriaq.

JUUNI 2025: ICC–kut Kanatami tunngasuttitaulauqtut pulaariaqujillutit Ottawa allavvinginni SDWG–kut Iksivautanganut Camilla Aviaja Olsenmut (Kalaallit Nunaat) ammalu iqqanaiaqtinginnut SDWG Allavvingani nalunaiqsijumallutit katujjaujunik turaaganik amma uqausiqaumallutit piliriamut pannagutaujunik aggitunut arraagu 2-nut. AMAP-kut iksivautanga Sarah Kalhol Bourque (Kanata) pulaarialaurmijuq allavittinnut nilliaqatigaqatutuni piliriangutuinnarialimmut mitsaanut atuqtauttiaqullugit Nunaqaqqaasimajut Qaujimajatuqangit taakkunanngat AMAP-kut piliriarijanganik piqasiutilugu qaujisarnirivattangit. Tamakki katujjiqatigiik pularalauqtuuk Papattivimmik, qimirrullutit titiqqanik pijjutiqaqtunik ilauqataunirilaqtatinnut AMAP–kut, SDWG–kut ammalu ungataanut Ukiuqtaqtumut Katimajingita pilirianginni.

SITIMPIRI 2025: ICC–kut pijariiqsilauqtut titiraqtaugianngaqsimajumik kingulliqaamik unikkaamik pijjutiqaqtumik Nunaqaqqaasimajut Qaujimajatuqanginni Kajunngiqsainirmik Katimaniulauqtumik tavvani EPPR-mi Maatsi 2025–mi; unikkaaq angiqtaulauqtuq EPPR katimaningani iluunnaat katimaniqaqtillugit.

VIIVUARI 2026: SAOC–kut amma Ilaunginnarniaqtunut Katimaninga, Tromsø, Norwaymik. ICC–kut Kanatami, aippaqaqtut ICC–kut allavvinginni, ilauqataulauqtut taakkununga upalungaijainirmut pannautiqaqtillugit katimanikkut ammalu Denmarkkut Innait Ukiuqtaqtumi Angijuqqautingit amma Piqatingit Ilaugataunginnarniaqtut sivumuaqpalliajumallutit piliriaminik nalunaijailutillu makuninga piusivaallirutissanik Katimajinut. inants

ICC–kut Kanatami ilagijaulaurmijuq titiraqtaugiangaqtilugut amma qimirrulaqtut piliriqatigiittunik AMAP–kut *Inuusirmut Attuiniuvattunik Silaup Asijjipallianinganut Qaujisarnirmut* (saqqiqtaulauqtuq 2027-mi). Una unikkaaq pijjutiqaqtuq ajjigiingittunik uqaussanik, atangipaluttutik attuaniqaqtut Inuit sivulliqaupauqjanginni, piqasiutilugit niqilirijjutiit, makimajjutiit, amma aanniaqarnangittulirinnirmut amma qanuingittianirmut. Una 1–ngujuq amisunik AMAP–kut unikkaanginni ikajulauqtavut arraaguuniaqtumut, ilangit taututtutik AMAP surunaqtunik qaujisarutinginni amma unikkaanginni.

ICC–kut amma QIA–kut katujjillutit titiraqatigiilauqtuuk uqalimaagaksamik Pikialasorsuaq Mai 2025–mi uqalimaagangani pijjutiqaqtumik Ukiuqtaqtumut Katimajingita *Pathways* uqalimaagarmik, takujaummarilauqtuq avatilirinnirmik amma iliqqusilirinnirmik piliriaqqaqtunuk taassumunga pimmarialuujumik sikuup mitsaanut.

ICC-kut Angijuqqaarilauqtanga amma Kanataup kit kiggaqtuijanga Mary Simon aippaqaqtuni Ilaugataunginnarniaqtunik Kiggaqtuilauqtut SAOC-PP–kut katimaningani Tromsø, Norwaymi, Juuni 2025–mi.



ICC-kut niriuttut piliriqatigaqtanginni Denmark Iksivautanganik. Quviasuttummariuvugut piliriniarnitinni amisukallaujunik pilirianik ukunani AMAP, EPPR, CAFF, amma PAME Inuit isumagijangit qaujikkaiqullugit Ukiuqtaqtumi Pigiaqtitausimajunik. SDWG–kunni, ikajuinnarniaqtugut Ukiuqtaqtumi Inunnik Aanniaqarnangittulirinnirmut Qaujimajitanik amma Inuusirmut, Pivalliatittinnirmik amma Iliqqusilirinnirmut Qaujimajitarnik Katujjiqatigiinik; ICC–kut quviapput iksivautauqautaarninginni (Swedenkullu) SDWG–kunnut 2025–mi 2027–mut.

Gavamalirijikkut



ICC-kut Kanatami Angirjuqqaap-Tungilinga, Kanatami Pijjutaujut Natan Obed (saumirmi), ammalu ICC-kut Kanatami Angijjuqqaangukainnaqtuq Herb Nakimayak (taliqpiani), Arraagutamaaqsiut Katimaningani Iqaluttuutitq, Nunavummi, Sitimpiri 2025-mi.

AJJILIURJUMINIQ: ITK

ICC-kut Kanatami piliriqatiqaqpattut Inuit Angiqatigiigutikkut Katujjiqatigiinginni sivumuaqtitaunasuttutik Inuit sivulliqaupauqjangit aippaqaqtutik Kanataup gavamakkunginni ammalu gavamanik asinginnillu nunarjuamiutanik. Piliriaqainnaqtugut Inuit-Kanatami Piliriqatigiit Katimajiralaanginni, aaqqittaulauqtuq 2017-mi, sivulliqaupauqjat sanajauvattut taakkununga Inunnut amma gavamakkut pilirivinginnut angiqtaugiaqaqtutik Inunnut sivuliqtinut, Kanataup Angijjuqqaarjuanganut, amma Ministanut. ICC-kut Kanatami iksivautaqataummijut Nunarjuarmi Inuit Pijjutingit Sivulliujujaujarialinnik, tautugaqaqtutik nunarjuarmi usijulirinirmik amma atuliqtitauningani Kanataup 2024-mi Ukiuqtaqtumi Silataanut.

TAMAANI ARRAAGUMI PIMMARIALUIT QANULIURUTAUSIMAJUT



JULAI 2025: ICPC-kut Sivuliqtiit Katimaninga, Inuvik, ISR-mi. Kanataup Angijjuqqaarjuanga Mark Carney ammalu ITK-kut Angijjuqqaanga Natan Obed iksivautaulauqtuuk tavvani katimaniujumik, Inuit sivuliqtingit uqausiqalauqtuq Kanataup Gavamakkut Tisimpiri 2024-mi Ukiuqtaqtumi Silataanut Atuagangani, piqasiutillugu piliriarigialingit Ukiuqtaqtumut Kiggatuqtingata, pimmariumingani piliriqatigiinnik pijjutiaqtut Ukiuqtaqtumi sivulliqaupauqjat suurlu sanajauingit kiggaqtuiviit Anchorage ammalu Nuukmi, ammaluttauq sanajauingani nunarjuarmi inigijaujut Kanatamut ilaqaqtut Inuit isumagijanginni. Herb Nakimayak, Angijjuqqaap-Tungililauqtanga taissumani, kiggaqtuilauqtuq ICC-kunni Kanatami tavvani katimaniujumik.



NUVIMPIRI 2025: ICPC Innait Ukiuqtaqtumi Angijjuqqaautinut amma ICPC-kut Sivuliqtiit Katimaninga, Ottawa, Ontario, Kanatami. Ukua katimaniujut uqausiqalauqtut atuliqtitauningani piliriqatigiinnikkut pannautaujut Ukiuqtaqtumi usijulirinirmut amma akikilligjaqtittinirmut tunngavinga katujjiqatigiit. Quviasummarilauqtugut sivullipaamik katimaniriniaqtatinni Ukiuqtaqtumi Kiggatuqtingani Virginia Mearns-mi amma Nunarjuarmi Piliriat Kanatamut.



VIIVUARI 2026: Arctic Frontiers-kut, Tromsø, Norway. ICC-kut Kanatami saqqiilauqtut piliriangita katimajiralaanut Nunaqqaasimajut Qaujijamatuqanginni, upagutilaurmijut asinginnut katimajiralaanut piqasiutillugit taikkua ICC-kut sivuliqtingit, ammalu ikajuqtuijut ICC-kut.



VIIVUARI 2026: Matuiqtauninga Kanataup Kiggaturvinga Nuuk, Kalaallit Nunaanit. Inuit sivuliqtiit Inuit Nunanganiinngaaqsimajut, piqasiutillugit ICC-kut Katimajinga Natan Obed ammalu ICC-kut Iksivatautanga Sara Olsvig, ammalu angijjuqqauteit Kanataup gavamakkunginniingaaqsimajut Kalaallit Nunaanillu quviasuutiqalauqtut matuiqtauningani Kiggaqtuivik. Piliriqatiqaqtutik ICC KN amma ITK, ICC-Kanatami niritittilauqtut Inunnik sivuliqtinik Kanatamiinngaaqsimajunik amma Kalaallit Nunaani uqausiqatutik taimannasainnaq pijjutaujunik. Kit kKggatuqtinga Mary Simon, ICC-kunnut Angijjuqqaangulauqtuq 1986-mini 1992-mut, matuiqsilauqtuq Kiggaqtuivimmi saniliqaqtuni Kanataup Silataanut Piliriat Ministamik Anita Anand-mi. 80 ungataaniittut Inuit Kanatamiinngaaqsimajut Nuukmuulauqtuq takutittijaqtututit katujjiqatigiinnirmik ammalu nutaanik kasumaqatigarnirmik aksurunaqtunik nunarjuarmi gavamalirinirmut pillattaanik.

Inuit nakinngaaruuluaqsimajut Inuit Nunangani ilaulauqtut Kanataup Kiggaqtutiganut Mary Simon, Minista Kanataup Silataanut Pijjutaujunut Anita Anand-kunni, Ukiuqtaqtumi Kiggatuqti Virginia Mearns matuiqtautillugu Kanatami Kiggaqtuivik Nuuk, Kalaallit Nunaanit, Viivuari 2026-mi.



Niriuppugut piliriqatiqariassa ITO-kunni ammalu gavamatuqakkunni sanagumalluta piliriqatigiinut pannautimik pimmariumunik pijjutauvattunik Kanataup Ukiuqtaqtungani Silataanut Atuagangani amma aaqqissuigumalluta Inuit isumagijanginni Kiggatuqti Mearns' tiliajujutinganut kiggaqtuilluta Inunnik Kanatamiutanik. Quviasuttummariuvugut tunngasuttittijarianga gavamakkut sivuliqtinginni Inuit Nunanganiittunik Katimavijjuarnirilaqtatinnut Iqalunni Julai 2026-mi.

AJJILIURJUMINIQ: ITK



Tariuq tunngavilluarigattigu inuusittinnut, niqiaqtittivamat, ingirratittivattuni, ammalu iliqqusirmut nalunaikkutarillutigu.

Piliriaqaqpattugut Inunnut–aulatauunik qaujisarutitik ammalu Inuit Qaujimagatuqangit ilagijaullutit isumaliurutalimaattianut nunarjuarmuungajumik atuagaliunirmik. Katujjiqatigiinnikkut ammalu piliriatigiinnikkut pilirianik tunngavitaqtunik Inuit sivulliqpauqjanginni naminiqsurunnannirmillu, ICC–kut Kanatami piliriaqaqpattut aaqqissuillutit imarmiutalirinirmut atuagarmik, sivumuaqtillutit Inunnut aulatauunik qaujisarutitik, ammalu attanajjaisisimallutit qanuinningita imaqtigijavut.

“ Inuit imarmiutaummata; Ukiuqtaqtuq nunagigattigu ammalu inuujugut kasumaqatigattiaqtuta uvagut sijjaginni, sikunik amma imaqtittinni. Tukisiumajavut avativut, attanaqtumiijjutingit, ammalu qanuq pimmariummangaaq imaqtivut inuusittinnut.”

ICC-KUT IKSIVAUTAUP-TUNGILINGA HERB
NAKIMAYAK, JUUNI 2025

Katujjiinia Qaujimanittinnik ammalu Sapujjiinia Imaqtittinnik

Qitianani Ukiuqtaqtuup Tariungani Ikalulirinirmut Angiqatigiiguti



ICC-kut allavvingit iqqanaijaqatigapattut ammalu ilagijauttiaqtut Kanatamiinngaagtunik katimajaqtupattunik nassaqaullutit Inuit sivulippaquqjangit CAOFA-kunnut. Angiqatigiiguti atiliuqtaulauqtuq 2018-mi malingaqaqtitaungittunik iqalugasuttittailimajuq Qitianani Ukiuqtaqtuup Imavingani amma attanaqatumiiqunagit imarmiutait uumajungit. Sivulliqpangummijuq amisunut, maligaqtigut-atuqtaujuq nunarjualimaamik angiqatigiiguti ilisaqsisimammat pimmariuninginni Nunaqaqqaasimajut Qaujimajatuqangit amma Ukiuqtaqtumi Nunaqaqqaasimajut piliriaminik. ICC-kunnilimaq ilautittinasuppattugut sanngijumik amma katujjinikkut Inunnik CAOFA-kut piliriavattanginnut ippigijauttiaqullugit Inuit Qaujimajatuqangit amma atuqsimajangit. CAOFA-kut iqqanaijaalimaangit, ICC-kut Kanatami aaqqissuiqatauvattut iqqanaijaanik, sivullippauqujanik, ammalu isumagijanginni aippaqaqtutik Kanatamiutanik katimajaqtupattunik.

TAMAANI ARRAAGUMI PIMMARIALUIT QANUILIURUTAUSIMAJUT



ICC-kut Kanatami iqqanaijaqatigalauqtut Imarmiutalirijikkut Allavvingani aaqqissuiqatigatutik Kanatami Aullajjaigiarutimut Pannautimik Kanataup iqqanaijaangagut ataani CAOFA-kut. Angiqsimattiaqtugut ITO-kut, Inuit sivullippauquqjangit ammalu Inuit Qaujimajatuqangit pimmariummata Kanataup piliriangani tamaani Qitianani Ukiuqtaqtuup Tariungani.



AIPUR-MAI 2025: ICC-kut katimajaqtulauqtut 2-nut CAOFA-kut saniliriinnut katimavijjuarninginnut: Imarmiutalirinirmut Piliriatigiinni amma Aulattiniq: Katimajiralaat Nilliaqatigiilauqtut Piliriatigiikkaniulaattumut Pijjutiaqtumik Qitianani Ukiuqtaqtuup Tariungani taikani Shanghai, Chinami, ammalu Tavvani Tariuvut Katimaningani, Busan, South Koreami. ICC-kut Angijuqqaap-Tungilinga Herb Nakimayak katimaqataulauqtuq Chinami, nalunaijailluni qanuq Nunaqaqqaasimajut Qaujimajatuqangit amma killisiniarnirmut piliriarijaujuq katujjaujut Qitianani Ukiuqtaqtuup Tariungani. South Koreami, uvagut, aippaqaqtuta ICC-kut Alaskami amma ICC KN-kunni, unikkaalauqtugut "Atuliqittinirmik Angirutausimajunik Killisinianirmut amma Nunaqaqqaasimajut Qaujimajatuqanginni." ilauqataunirijavut taakkuninga 2-nik katimaniujuunnik tiliurijumalluta kasumaqatigiikkanirnimik tamakkiinni nunalirjuangujunik ilagijaujuuk taakkununga CAOFA-kunnut.

ICC-kut Qaujisarninga Iqalulirinirmut Katimaniq pilimmasaisinnaa Tokyo, Japaanmi, Viivuari 2026-mi. Saumirmik talipianut: Benjamin McTaggart, ICC Kanata; Vernae Angnaboogok, ICC Alaska; Aviaja Tindbæk Jørgensen, ICC KN; amma Herb Nakimayak, ICC Iksivataup-Tungilinga.



JUINI 2025: COP4, Tromsø, Norway. 3 ulluit iluani katimaniujumik, ICC-kunnut katimajaqtuqsimajut, aulataulauqtuq ICC-kut Angijuqqaap-Tungilinganut Herb Nakimayak, uqaujigiatqummariulauqtuq Nunaqaqqaasimajut Qaujimajatuqangit atuqtaunginnaqullunigit tavvani Angiqatigiiguti atuliqtitauuningani. ICC-kut piluqatumi tautulauqtut aulatauningani siku amma attanaqatumiiqatut imarmiutait tamaani Qitianani Ukiuqtaqtuup Tariungani.



VIIVUARI 2026: Qaujisarnirmut Iqalulirinirmut Piliriatigiinni, Tokyo, Japaanmi. ICC-kut Kanatami katimaqataulauqtut tavvani katimanirmik, aippaqaqtutik ICC-kunni Alaskami amma ICC-kunni Kalaallit Nunaanimiunik, ajauqtuillutit ilaliujaunginnaqujallutit Nunaqaqqaasimajut Qaujimajatuqangit tunngavigijaulutit taassumunga Angiqatigiigutimut, tukisinattiaqtuni uqausiaqtut titraqtaugiangalauqtut sapujjiniq amma Aulattiniq Qanuiliuruttissanut. ICC-kut ajauqtuijummariulauqtut tariup sikunganuuqtailittitjujillutit ammalu aturumanatik maligarnik mikillivaallittittinasuttumik attuijutaunuk avatimut Inuit nunalinginni, ammalu qanuiliuqtuqangilluni attuijutauninnarialinnik qaujisarutinut Qitianani Ukiuqtaqtuup Tariungani.



MAATSI 2026: 4-nga Killisiniarnirmut Tukimuaqtittijit Katimaninga, Hangzhou, Chinamik. Aulatajuq ICC-kut Angijuqqaap-Tungilingata Herb Nakimayak, ICC-kut uqaujilauqtut inigijanga katiqsuiqujinginni Nunaqaqqaasimajut Qaujimajatuqanginni amma nunaliit qaujimajanginni, unikkaalauqtuq Inunnut-aulatajuq qaujisarniq Ukiuqtaqtulimaamik, ammalu ullumimuungujunik uqausiaqtuni Inuit tukisigiarutinginni qaujisarnirmut upalungaijautinik. Pijariilauqtugut atuliqujilluta katimaniugajaqtumik aaqqissuiqatigiinnikkut Nunaqaqqaasimajut Qaujimajatuqanginni amma killisiniarnirmik mitsaanut SCG-kut katimakkannilirmippata, angiqtaulauqtuq piliriatigiittunut.

AJJILIURIJUMINIQ: ICC KANATAMI



SUNAUNIALIRIVA?

ICC -kut niriuttut Katimavijjuaqatigiinniulaaqtumi 5-ngani Piliriatigiittunut Brussels-mi Juuni 2026-mi. Piliriatigalaaqtugut ICC-kut allavvinginni, Ukiuqtaqtuup Tariunga, ammalu Tariumi Sapujijjutiit Pannautaulutit katimatittinirilaagtatinni ulluq 1-mi katimavijjuarnirmik pijjutiaqtuq CAOFA-kut pilirijusinginni amma atuqsimajattinni Angiqatigiigutimut COP5-kut qaungani pigialiqpata. Niriuppugut pannautiqariassa katimanirmik pijjutiaqtumik Nunaqaqqaasimajut Qaujimajatuqanginni ammalu killisiniarnimik aujanganani 2027 SCG katimaningani.

TUSAGAKSALIANGUSIMAJUQ:



Inuit Ukiuqtaqtumiugatiit Katimajingit Sivumuaqpalliatittijuq Ujjirusuqujillutit Aulattinirmik Atuqtutik Kanatamiutait Katimajaqtuqsimajut Qitianani Ukiuqtaqtuup Tariungani Iqalulirinirmut Angiratiigutimimut Aajiiqatigiinniujut

27 VIIVUARI 2026



Nunarjuarmi Umiarjualirinirmut Katujjiqatigiit



IMO-kut ajjiunani timiujug nunarjuarmi katujjiqatigiinut, kamagijaqariaqaqtug attanangittumiiqullugit amma sapummijausimaqullugit nunarjuarmi usijuliriniujut ammalu suruqtittitailimaniq umiarjuakkut. Taimannaungittug asingita nunarjuarmi katujjiqatigiit timingita, IMO-kut piliriqatiqaqpattut namminiqaqtuijunik sanavilirinirmut katujjiqatigiinik, NGO-kut, amma gavamaqaqtuijut maligaqaqtittijut usijulirinirmut. Tusariarviqarnirijavut pillugu, ICC-kut Inuit qaujimajatuqangit amma Inuit sivulliqpauqujangit uqautaunginnaqtut malingaqaqtittinirmut amma atuliqtitanginnut Ukiuqtaqtumi imaqtutitta mitsaanut.

TAMAANI ARRAAGUMI PIMMARIALUIT QANUILIURUTAUSIMAJUT



AIPURU 2025: 83-nga Imarmiutalirinirmik Sapujjiit Katimajiralaangit, London, UKmik. ICC-kut Kanatami amma ICC KN-kut katimajaqtulauqtut qaujisariaqtutik uqautaujunik Ukiuqtaqtumut-turaangajunik pijjutaujunik, piqasiutillugit saqqiiniujug Ukiuqtaqtuup Kanannangani Tariurjuap Akiani Pujurlunik Aulattivissaq (ECA), qirniqtait pujurlut, imaup ataani nipiqluarningit, ammalu imarmiutanik suruiniq.



JUUNI 2025: UN Tariulirinirmut Katimaniq, Nice, France-mi. ICC-kunnut katimajaqtuqsimaqtut taassumunga qanuiliurniujumut aulataulauqtug ICC-kut Angijuqqaap-Tungilinganut Herb Nakimayamut ammalu ilaqaqtuni ICC-kut Kanatami amma ICC KN-kunni. Angijuqqaap-Tungilinga Herb Nakimayak unikkaalauqtug “Uummatinga Ukiuqtaqtuup” katimatillugit amma katiqatigalauqtug quttiniqsanik nunarjuarmi gavamalirijinik. Kasuumaqatigalauqtugut Kanatami kiggaqtuijinik amma asinginni nunarjuarmi katujjiqatigiingujunik ikajuqsuqtugu pinasuutivut Taimainginnaniaqtumik Tusariarviqarunnannirmik.



JULAI 2025: 134-nga katimaniq IMO-kut Katimajinginnut, London, UK-mi. ICC-kut Kanatami amma ICC KN-kut qatimaqataulauqtut 40-nik nunalirjuunik kiggaqtuijinik Katimajiullutit IMO-kunnut nirualauqtut ikajuqtuullutit Asijjiqtauningani Tusariarviqainnanirmut Inuijumik Tusariarviqainnarunnalirlutit!



UKTUPIRI 2025: 2-nga katimaniqattiatummariulauqtug MEPC-kut, London, UK-mik. ICC-kut Kanatami katimaqataulauqtug uqausirijatuangulluni atuliqtittiniq Net-Zero Framework-mi (NZF) pujurluqarunniiqtittinasuarniq nunarjuarmi usijulirinirmut. Ilagijaujut Nunaliit malissimangittut mikilligiatittinirmik pujurlunik silamuuqpalliajunik akilijariaqaqtut NZF kiinaujaqaqtittijinut, ammalu nunarjuat pivallianiqatut taakkuninga kiinaujanik aturunnaqtut ikajurutauniarlutit suruqtatitittinirmik umiarjuakkut. Kisianili, NZF atuliqtitauninga kinguvariaqtaulauqtug pijjutigillugu niruarniujug uqsualussaliuqtuijunut Kiggaqtuijut Nunalirjuanginni.



TISIMPIRI 2025: 34-nga katimaniq IMO-kut Katimaniq, London, UK-mik. Tavvani katimanimik isumaliuqtigijammarinnut timinga IMO-kunnut, ICC-kut taimanginnarniarlutit Tusariarviqarunnarninga Angiqtaulauqtug. ICC-kut Angijuqqaap-Tungilinga Herb Nakimayak amma ICC KN-kut piqataulauqtut nalunaiqtautillugu una atuqtaujuq, arraagugasarnut ajaqtuilauqtillugit.

AJJILIURIJUMINIQ:
ICC KANATAMI



“Una aulajjaigiaruti nalunaiqsijuq pimmariummi Inuit piliriaqaqpammata umiarjuaqtuqaqtutik, aulattijiullutit, sijjamiutaullutit, Qaujimanikaqtutik aqqisuqtauningani nunarjuarmi usijulirinirmut isumaliurutaujut. Sivulliqpaangulluni Nunaqaqqaasimajut Katujjiqatigiimik Taimainginnarniaqtumik Initaaqtut IMO-kunnut alluriarutituinnaungittug Inunnut, kisiani tukiqattiaqtumik alluriarutiujug Nunaqaqqaasimajunut.”

HERB NAKIMAYAK, ICC-KUT
ANGIJUQQAAP-TUNGALINGA
AMMA KIGGAQTUIJIGIAULLUNI
ICC-KUNNUT IMO-KUNNI,
TAIMAINGINNARNIAQTUMUT

IMO-kut katimaningani, London, UKmi,
Tisimpiril 2025-mi. Saumirmi taliqpianut:
Aviaja Tindbæk Jørgensen, ICC KN; Arsenio
Dominguez, IMO-kut Allatimmarik;
ammalu Herb Nakimayak, ICC-kut
Angijuqqaap-Tungalinga.



ICC-kut Kanatami takulaarumavut attuiniqaqtummarimmik 84-nga MEPC-kut katimaniq 2026-mi. Aqqissuijumattiaqtugut ammalu sanaluta arraagu amisunut IMO-kunut turaanganikaqtumik piliriqatigiinnikkut pannautimik aippaqarluta ITO-nik ammalu asinginni ICC-kut allavvinginni sivumuaqtauqullugit Inuit sivulliqpauqujangit pijjutiqaqtut usijulirinirmik ammalu imarmiutanut surunnaqtunik atuagarmik uvagut imaqtutinni Ukiuqtaqtumi. Tusarumalaaqpugut katimajaqtuqsimaqtut aggiqtumi 15-gilaaliqtanga ICC-kut Katimavijjuaningani qanuq Angilligiatigunnamngaattigut Tusariarviqarunnarnirijavut tavvani nunarjuarmi katimaniujumik.

Salumajuq Ukiuqtaqtuq Usijulirinirmut Pigiaqtitausimajuq



CASI QAUJISARNIUP TAIGUUSINGIT:

Kajusijunnaqtut
umiarjuat
aulaningit ammalu
nunalingni piqtirjuat

Kamattiarluni
umiarjuap
sanamaninganik

Atuagaq Ukiuqtaqtumi
umiarjualirinirmut

Salumajuq Ukiuqtaqtuq Usijulirinirmut Pigiaqtitausimajuq \$93–miliantaamut pigiaqtitausimajuq aulataulluni ICC–kunnut Kanatami amma Memorial Ilinniavimmariak. Una pijumanirijaujummarik arraagugasarnut pigiaqtitausimajuq piliriaqtaqtuq amma kiujujutiqaqtuq Ukiuqtaqtumi usijulirivallianiujuunik attuanirijaujunullu avatimut Inuit nunanginni, imaquotinginni, amma nunalinginni ajjigiingittukkut qaujisarnimut piliriaqarniaqtut ammalu atuagaliurlutit. Kiinaujaqtaqtuq Kanatami Sivulliqpaq Qaujisarnikkut Piujuummarikkut Kiinaujat 2023–mi 2030–mut, CASI–kut anginiqaangujut qaujisarnimut ikajuutitaqsimajuq tunirrusiaqtitausimajunut nalianutuinnat katujjiqatigijunut.

TAMAANI ARRAAGUMI PIMMARIALUIT QANUILIURUTAUSIMAJUT



MAI 2025: CASI–kut Piliriatiginiinnik Katimaniq Pilimmasaisinna, Ottawa, Kanatami. Katimatitaq ICC–kunnut Kanatami, ukua katimaniujut uqausiqalauqtut qutiniqsakkut–aulatinirmik amma akaungilirutaujunik aqqigutissanik. Memorial Ilinniavimmariak amma ICC–kut Kanatami angiqatigiilauqtuuk atuqtauniaqtumik aulattijuti taassumunga pigiaqtitausimajumut, iluliqaqtuq CASI–kut aulattijit katimajingit amma CASI–kut Qaujisarnimut Katimajit, Inuit amisuniqsanik issivautaqatutik tamakkiinnut; 3–nga timiujut atangitqutik Inuujut CASI–kut Inuit katimajingit. Uqausiqalaurmijugut kamattiarunnarnimik aturassanik qiniqtuta ilagijauqullugit Inunnut ikajuutiit, qaujisarutitut angiqtaujutiit, amma piliriarjaujarialit kamagijarialilluk ilagijaujulimaanut.



DECEMBER 2025: CASI–kut Qaujisarnimut Katimajingita Katimaninga, Calgary, Kanatami. Katimatitaulauqtut ArticNet–kunnut, una ullunut 3–nut katimaniq katitittilauqtuq Inuit Angiqatigiutikkut Katujjiqatigiinik ilinniaqtulirinirmut qaujisarutimut piliriamik Pannaillutit Katutittijutiujunnarialimmut. Katimaniujut piviqatittilaurmijut qaujisaqtinik uqausiqaqullugit titiraqtaugiangaqsimajumik piliriatigiinut angiqatigiiguti. Tukisiaqtittilaurmijut katimanikkut pijjutiqaqtunik Inuit iliqqusinginni, kinauninginni amma pimmarigijanginni tunijaulaurmijut Inuungittunut qaujisaqtinut.



VIIVUARI 2026: CASI Piliriatigiinnik Angiqatigiiguti atiliuqtaulauqtuq taakkunungalimaaq piliriatigittunut: Inuit Angiqatigiutikkut Katujjiqatigiit, ITK, Memorial Ilinniavimmariak, amma ICC–kut Kanatami. Piliriatigiinnik Angiqatigiiguti nalunaiqsismajuq qanuq CASI–kut qanuiliurnirivattangit piliriarjauvammangaata Inuit Nunangani amma nutaat atuqtaujarialit Inuit namminiqsurunarninginnut qaujisarnimik. Piliriatigiinnik Angiqatigiiguti takussautittijuq atuagarnik Kanatami Inuit Upalungaijainirmut Pijjutiqaqtuq Qaujisarnimik.



VIIVUARI-MAATSI 2026: CASI aujisarnimut Katimajiralaat, CASI Inuit Katimajingit, ammalu CASI Aulattijit Katimajit Aulattijit Katimajiralaangit katimatittijuinnalauqtut sivulliqpaamik katimaniujunik (qarisaujakkut) atiliuqtaulauqtillugu Piliriatigiinnik Angiqatigiiguti. 19 qaujisarutaujut piliriat angiqtaukainnalauqtut. Ukua angiqtaujut piliriat sananialiqut nalunaiqaqsimajunik Inuit Ilautitauninginnut amma Inuit Tukisigiarutissanginni Aulatinirmut pannautinik. ITO–ngujut tunisilaurmijut Inuit Qaujisarutissanginnut Kiinaujanik tuksirautaujut isumaqsaqsirutigijauqullugit.



JJILIURIJUMINIQ: ICC KANATAMI



ICC–kut Kanatami, piqasiutillugit CASI–kut iqqanaiaqtingit, katimajaqtulauqtut Nunavummi Usijulirinirmut Katimavijjuarnimut Iqalunni. Katimatittiqtaulauqtut NTI–kut amma CCG–kut, una ulluni 3–nik katimaniujut pijunnatittilauqtut Nunavummi Uumajurniatikkunni (HTOs) nilliaqatigaqullugit Gavamatuqakkut amma Nunavut allavvinginni piliriaqapattunik usijulirinirmuungajunik; pijunnatittilaurmijut ICC–kunni uqausiqaqullugit piliriarjaujinnatqumik nunarjualimaamik usijuliriniup mitsaanut ammalu imarmiutalirinirmut atuagarmi, qaujisarnimik, amma ajauqtuinirmik. ICC–kut Kanatami ililauqtut NTI–kunni ammalu Nunavummi Uumajurniatikkunni pijjutaunginnaqtunik ikajurutauniaqtut aqqisutauningani CASI–kut amma ICC–kut usijulirinirmut imarmiutalirinirmut pilirianginni.

Tana Allen, Memorial Ilinniavimmariak Angijuuqaap–Tungalinga Qaujisarnimut amma Piusigiatittinirmut, aippaqtuni Natan Obedmi, ICC–kut Kanatami Angijuuqaap–Tungalinga, Kanatami Pijjutaujut, ammalu ICC–kut Kanatami Angijuuqaangukainnaqtuq Herb Nakimayak.



ICC–kut Kanatami piliriatigainnarunaminik CASI–kunni amma katujjinikkut qaujisarnimik taakkununga Inuit katujjiqatigiinut Memorial Ilinniavimmariak kunnnullu ammalu asingit ilinniavimmariak piliriatigijaujut. Niriuttugut sivulliqpaamik Aulattijit Katimajingit Katimanigattialaarninginnut Aipuru 2026–mi. Quviasummarippugut pigiaqtaulirninginnut 19 ilinniaqtulirinirmut qaujisarniujut piliriaqatutik amisunik Inuit sivulliqpauqujanginni Ukiuqtaqtulimaamik usijuliriniup mitsaanut. Pimmariummijuuqtaq, ITO–kut pigialaarmimmata piliriaqarlutit 4–nik Inunnut–pigiaqtitausimajunik ammalu –aulataujunik qaujisarutissanit.



Silaup Asijjipallianinga

Arraagu 20 ungataani, ICC–kut Kanatami aulattisimaliqtut ICC–kut pilirianginni silaup asijjipallianiup mitsaanut.

Ajauqtuivattugut ilaliujjaujariaqallarinninginni Inuit Qaujimajatuqangit amma Qaujimaniquagtut aulatauqullugit tukisijauqullugillu attuiniuvattut silaup asijjipallianinganut Ukiuqtaqtumi.

Piliriqatigiinnikkut kisiani asinginni Nunaqaqqaqsimajut, gavamait, ammalu gavamaungittut katujjiqatigiit mikillivaalliqtuniaqtut mikillivaalliqtitautilu avatimik attuijjutauvattut saqqipattut silaup asijjipallianinganut kinguvaassatinuungajut.

“

Nunarjuarmi silamut aulajjaigiaruti suli qanilliaqpalliangimmat. Ukiuqtaqtuq uqquusivalliajuq 4–raaqtiqtuni sukajummarialummi akunningani nunarjuap, asijjirassaungittuni saqqiiliqtuni Inuit nunaqutinginnut, imaqutinginnut, amma sikunginnut. Pimmarialuujug piliriarijauppata qanuujjutaullarittut silaup tuavirnarninga Inuit attanaqtumiiqunagit amma inuunasuarunnaqullugit uvagut nunanginni amma aviktuqsimaniujunik Ukiuqtaqtumi, inuusivut amma inuunasuarutivut attanaqtumiittutik.”

UVANNGAAQSIMAJUQ ICC–KUT PILIRIANGATA PAIPPAANGANI
PIJJUTIQAGTUQ UNFCCC COP30–MI, UKUPIRI 2025

Nunaqaaqaaqsimajut Silami Aulajjaigiarnirmut Katujjiqatigiit

ICAP-kut turaagaqaqtut angilliaqtauqullugu silaup asijjipallianinga sapiliqtaugunnanginninga Inunnut amma Nunaqaaqaaqsimajunut tauvani Pingannangani-Tariurjuap aviktuqsimaninginni tautungaqaqtut tamakkiinni Nunaqaaqaaqsimajut Qaujimajatuqanginni tauqsiiqatigiinnirmik amma inuusuttunut-turaangajunik pilimmaqsainirmik. Nunanik-qaujimanijunik-tauqsiiqatigiinni plusivaallittiniaqtut katitauninginni kajusiinnarunnaqtut, nunami amma nunamik-tunngaviqaqtut aaqqigiarutissanik nunalinnut' silaup asijjipallianinganut ammalu sungiutinirmut upalungajautiit uvattinnut amma uvagut piliriqatinginnut. ICAP ilagijaummat Kanataup Gavamakkut Nunaqaaqaaqsimajut Piliriqatigiinniunut Silaup Asijjipallianinganut Pigiaqtausimajumik, katujjaulluni-sanajaulauqtuq ICC-kunnut Kanatami, Katujjiqatigiit Allait, amma Allangajuit Kanatami Katimajinut. Kiinaujaqtaaqtitaulauqtugut GAC-kunni aulatauqullugu ICAP arraagu 2-nut.

TAMAANI ARRAAGUMI PIMMARIALUIT QANUILIURUT AUSIMAJUT



JUUNI 2025: ICC-kut Kanatami ICAP Pilirianut Tukimuaqtittiji iqqanaijalilauqtuq, ilaulluni uvagut silaup asijpallianirmut, Uumajulirinirmut, amma avatilirinirmut piliriqatigiittunut.



SITIMPIRI 2025: ICC-kut Kanatami piliriqatigilaurmijut Take the Lead (TTL) Tonga-mi ICAP-kunginnut. TTL arnainnaujut-aulattillutit inuusuttunik tautugaqtutik Nunaqaaqaaqsimajunik NGO ilinniatittijumallartit amma sanngaqtitaunasuttutik sivuliqtiruppalliajut. Sanavattut amma saqqitittivattut pilirianik ikajuqtuijunik sivuliqtunasunnirmik, gavamalirinirmut ilinniatittinirmik, ammalu nunalinni piliriqatigarnirmik, pijjutiqaqtutik pannattitaunasuttutik sivuliqtirurumajut piliriaqarnarlutit silamut-attuaniqaqtunik aksuruutauvattunik ammalu asinginni pigganaqtunik inuusirmut pivalliatittinirmut pijjutaujunik.



JAANUARI 2026: ICAP pannainirmut katimaniq, Nuku'alofa, Tonga. ICC-kut Kanatami katiqatigalauqtut TTL-kunni piliriassanut pannaigiaqtutit amma sanaqatigarumallutit silalirinirmut sivuliqtunirmut piliriamik inuusuttut ilauqatauqattaqullugit akuniujukkut ajauqtuinirmik sivuliqtunasunnirmut ajuruniittittinasunnirmik. Pijjutaulualauqtut piliriap qarisaujukut nunamiillutit, sikumi, imavimmi, amma sikumi qaujimanirijaujunik tauqsiiqatimik Inuit Nunangani amma Tonga aippaqlutit Innatuqarnik.



MAATSI 2026: Nain, Nunatsiavut amma Nuku'alofa, Gavamanga Tonga tusaqtittilauqtut sukuttianiinniarninginni nunamik-pilirianut. ITO-kut amma NIYC-kut niruarassaruqtittiniaqtut 11-nik Inunnuk inuusuttunik piliriamut, kiggatuqtauqullugit Inuusuttut Inuit Nunanganimiutat.



AJJILIURJUMINIQ: ADOBE

Makkuktut Inuit nunanganniingaaqtut niurrulaqtut tuunngaup angilaangumut Tonga-mut, Tongatapu-mut, amma ilaulutik iliqqusituqarnik tauqsiiqatigiinnirmik ammalu nunami piliriangujumik Sitipiri 2026-mi.

ICC-kut Kanatami katimaqatigarninga TTL-kunni Nuku'alofakkunni, Gavamanga Tongaup, Jaanuari 2026. Saumirmi talippianut: Kilisitina Moala, TTL-kut aaqqissuijiga; John Crump, ICC ICAP-kut Tusariaqtittijiga; Megan Dicker, ICC Kanatami ICAP-kut Tukimuaqtittijiga; Elizabeth Kite, TTL-mi Pigiaqtittisimajuq; amma Emeline Kite, TTL-kut Pilirianut Tukimuaqtittijiga.

AJJILIURJUMINIQ: ITK KANATAMI



SUNAUNIALIRIVA?

Quviasuttummariuvugut tunngasuttittijiriassa ICAP-kut inuusuttunginni ilauqataulaarninginni Nainimi amma Nuku'alofami tauqsiiqatigiinniujumik amma silalirinirmut sivuliqtunirmut pilimmaqsainirmik Aagastimi Sitimpirimillu 2026-mi!

Gavamauqatigiit Katimajingit Silaup Asijjiqpallianinganut



ICC-kut sivulliqaangulluni Nunaqaqqaqsimajunut Katujjiqatigiilluni takurannaariaqturviqalilauqtuq IPCC-kunnut. 7-gijanga Qaujisarniup (AR7) pigialauqsimajuq Julai 2023-mi, unikkaangit saqqiqtauvissaqaqtutik 2027-mi amma 2029-mi. Ukua IPCC-kut Qaujisarnirijanginnut unikkaat quttittumiinniqaqut killisiniarnirmut qaujisarutaujut nunarjuap asijjiqpallianinganut pijjutigillugu silaup asijjiqpallianinga, ammalu qaujikkaivattut atuagarnik amma isumaliurutaujunik UNFCCC-kunni. ICC-kut Kanatami atuinginnaqattatut amma ilaunginnaqattatut Qaujisarniurattatunut piliririjaujunik ilaliujjauqullugit Inuit Qaujimajatuqangit, pijunnautingit, amma sivulliqpauqujangit taakkunani attuiniqaqattatunik qaujisarutaujunut piliriangujunik.

TAMAANI ARRAAGUMI PIMMARIALUIT QANUILIURUT AUSIMAJUT



MAI 2025: ICC-kut Kanatami ajauqtuilauqtut inissataarumallutit IPCC-kut Killisiniarnirmut Aulattijit Katimajiralaanginnut aqqissuiqattatut amma niruaqattatut ilauqatauniaqtunik Katimanirmut Pilimmasaisinnat Katittinirmik Ajjiingittunik Qaujimajutunuk amma Katimanirmut Pilimmasaisinnat Pilirijusunut Qaujisarniujunut, Maatsi 2026-mi. Tunilauqtavut piliririatigijavut IPCC-kunni Kanatami Inuit Sila Asijjiqpallianinganut Katimajiralaanginnut nuattijumalluta isumagijaujunik ammalu piliririatigijavut IPCC-kunnut malimmangaaq aviktuqsimaniujunik sivulliqpauqujanik Kanatami Inuit Sila Asijjiqpallianinganut Upalungaijautinganillu.



AUJA 2025: Inuit qaujisaqtiit niruarassaruqtitaulauqtut ICC-kunnut niruaqtaulauqtut titiraqtiuniarlutit amisukallannut mappiganik aggipalliajumut 7-nganut Qaujisarniuvattunut unikkaaliangusimajut.



VIIVUARI 2026: IPCC-kut Katimaninga Pilimmasaisinnat Katittiniq Ajjiingittunik Qaujimajutunut amma IPCC-kut Katimaninga Pilimmasaisinnat Pilirijusunut Qaujisarniuvattunut, Reading, UK-mmi. Katimaniq Pilimmasaisinnat Katittiniq Ajjiingittunik Qaujimajutunut taututtaulauqtuq qanuq IPCC-kut katitirivammangaata

ajjiingittunik qaujimajutunuk, piqasiutillugit Nunaqaqqaqsimajut Qaujimajatuqangit, ammalu ilaliutijauninginni qaujisarniujunut tavvani aqqissimaniujumik atuagauttautigijunut atugassanullu. Katimaniq Pilirijusunut Qaujisarutauvattunut Taututtaulaulauqtuq Pilirijusiit qanuq qaujimajutunuk ilaliujjaujunnarmataa qaujisarutaujunik, piqasiutillugit qimirrujauningit pilirijutiit isumagijaulutit qaujikkaajutissanik atuliquajaujunik amma tauqsiijutunuk IPCC-kut titiraqtinginnut.

AJJILIURJUMINIQ: CAROLYN HOOVER



Attuiniujut uqquusivallianinganut sila ippigijauvallialirmata namituinnattiaq nunarjuami. Alaskami, Kwigillingokmi Kotzebuemut, 2 anurijjuak sijjanganuulaurmatit aulangani 2025, immaittialaurmata, anurijjuriullutit, amma suraijumariullutit. Angirrarijaujut amma pimmarialuit makimajjutiit suraqtitaulauqtut amma surattaulutit. ICC-kut allavvingit ikajulauqtut qanuq ikajuqtuiniarmangaata tuavirnattuujumik inuusirmut tusaumaqattautijjutinginni.



Piliriaqainnarniaqtugut sanajauninginni akuniujukkut kamattiarunnaniqtinnit pilirijusunik IPCC-kut katittinirivattatinginnut Nunaqaqqaqsimajut Qaujimajutuninni. Ilauqataujumattialaaqtugut aggitumi 65-ngani IPCC-kut katimatittinirilaaqtanganut Ethiopiamik Ukupirimi ammalu ilauqataunginnarnitinni sanajauvallianinginni AR7 unikkaat.

UN Aaqqiumaniganut Angirutinga Silaup Asijjiqpallianinganut

Angillivalliatuinnarninginni attuiniujut silaup asijjiqpallianinganut, sanngijumik piliriqatigiinni katujjillutit ICC-kut, nunarjuarmi Nunaqaqqaasimajut, amma Amialigakkut pimmariumiqsamariulit tuq taimannangianilauqtuq. ICC-kut nassapattut Inunnut atuqtaullarippattunik amma sivulliqaupanginni UNFCCC-kut silaup asijjiqpallianinganut angiqatigiigutikkut aajiiqatigarniuvattunut. Katimajaqtulauqtugut ilagijanganut timiujut katimaninginnut UNFCCC-kunullu gavamalirinirmut aajiiqatigiinnirmut arraagutamaaqsiut Katimavijjuarninganut Piliriqatigiittunut.

TAMAANI ARRAAGUMI PIMMARIALUIT QANULIURUTAUSIMAJUT



JUINI 2025: 13-nga katimaniq Tukimuaqtittijit Piliriqatigiinut (FWG) Nunalingani ammalu Nunaqaqqaasimajut Tunngavia, Bonn, Germany-mik. ICC-kut Ukiuqtaqtumi Aviktuqsimaniujunik iniaqtut, aippaqtutit ICC KN-kut iqqanaijaqtungani Ukiuqtaqtumi kiggaqtuillutit ammalu ICC-kut Kanatami iqqanaijaqtunga kinguvviqtuilluni. Katimaningit taakkua nunalingit amma Nunaqaqqaasimajunut iluani UNFCCC-kut uqautaujumariulauqtuq. Ukua katimaniujut sanngijunik ajjigiingittunik akaungiliurutiqtalauqtut nunarjuarmi Nunaqaqqaasimajunut, kiggaqtuijunut nunalirjuani kiggaqtuijinginnut, ammalu nunaliujumut kiggaqtuijinginnut. ICC-kut uqaujilauqtut Nunaqaqqaasimajut pijunnautingit ippigijauttiariqarmata, pittariaqarniq amma ajjigiitittiniq katimanirmik atuagait pitaqariaaqtut, amma Nunaqaqqaasimajut ilaliujjaujariaqangittut nunalirjuap nunalinginni.



JUINI 2025: 62-nga katimaniq UNFCCC Ilanga Timiujut, Bonn, Germany-mik. ICC-kut Kanatami ICC KN-kut ilauqataulauqtut aajiiqatigiinniumik tavvani katimanirmik amma saniraagut qanuiliurniujunik kiggaqtuillutit Ukiuqtaqtumi UN Inuuqsiqatigiinnirmut Aviktuqsimaniujunik. Ikajulauqtugut Aulajjaigiarutimik Sila Sanngaqtitaugiarninganut katimajinut uqausirijautillugu surusii amma inuusuttut, qanuiliurniujumillu pittariaqarnirmik amma ajjigiitittinirmik atuagarnut ilautittinirmik Nunaqaqqaasimajunik.



UKTUPIRI 2025: Saqqiqtauninga ICC-kut iqqanaijaamut paippaa, “Ukiuqtaqtumi Aamasaanmut: Inuit uqaujigiatut nunarjuarnik kiggaqtuijujunik tuaviarjauqullugit silamut angirutausimajut UNFCCC COP30-mi.” Naqillugu nalunaikkutaq uqalimaarniaraviuk paippaaq.



NUVIMPIRI 2025: Saqqiqtauninga arraagu 30-nut COP: *Unikkaat Kanatamiutanut Isumagijaujut* Silattusarvijjuat Ottawa. ICC-kut titiralauqtut mappigarmik nuatausimajunik titiraqsimajut, piqasiujjisimajuq isumagijaujunik Inunnut Innatuqarnut, inuusuttunut, ilauqataujunut, amma sivulitqilauqtunut ICC-kunnut. ICC-kut Kanatami aulattilauqtuq titiraqtaugiangaqtillugu una titiraqsimajuq.



NUVIMPIRI 2025: COP30, Belém, Brazil. ICC-kut Kanatami katimaqataulauqtut qarisaupakkut. Ilauqatugut aajiiqatigiinniumik amma katujjilluta inigijattinni Kanatamiutanik katimajaqtuqsimajunik, ICC-kunniingaaqsimajut katimajaqtuqsimajut taikaniilauqtuq (aulataulluni ICC-kut iksivautangata Sara Olsvigmu), ammalu Nunarjuarmi Nunaqaqqaasimajut Katimaningani Silaup Asijjiqpallianingani mitsaanut. Aajiiqatigiinniumut aksurunnalauqtut COP-mi, Nunalirjuat kiggaqtuqtingit piliriaqarasulaungimmata pijutaullarittunik attuaniaqtunik asijjiqpalliaqtuq gaasinut. ICC-kut ikajulauqtut sanngijumik titiqqami makimatittigajaqtumik pijunnautingita amma sivulitqingita Nunaqaqqaasimajut silamik aulajjaigiarutiup mitsaanut – atangipaluttutit saqqiqtaulaungittut kingulliqaamik angiqtaujumut titiqqamik. 1 kajusittilauqtuq ilagijaunani Titiqqaq uvani Asijjiqpalliatuinnanirmut Piliriarmi Titiqqaq Nalunaiqsisimajuq Pijunnautinginni Nunaqaqqaasimajut.

AJJILIURIJUMINIQ: KIARA WORTH © SILA ASIJJIPALLIANINGA



ICC-kut pannaivalliajut aggitqumi aajiiqatigiinniulaaqtumik Ukiuqtaqtumi Maligaliuqtinginni, ilaqaqtuq Saamikkut Katimajinginni amma Saami Maligaliurvingani kiggaqtuijinginni, ammalu Nunarjuarmi Nunaqaqqaasimajut Katimaningani Silaup Ajjipallianingani Mitsaanut. Upagutigumattiaqpanut 64-nga ilagijangit Timiujut katimaninganut Bonn, Germanymik amma COP31-mi Antalya, Türkiyemi. Ajauqtuinginnaniaqtugut pijunnautiqarnirmut-tunngavikaqtumi qanuiliurutissanik Nunaqaqqaasimajunut piliriarijalimaanginni UNFCCC-kut.

“

Utiriaqtuqajjaangittuq. Tuavirnarninga silami aulajjaigiariniq kinguvviijaangittut Nunaqaqqaasimajut pijunnautinginni, sivunianiinginnaqtut suli silaup asijjiqpallianinganut attuiniujunik. Silami aulajjaigiariniq – pittailittitiniq, mikillivaallittitiniq, amma sungiutiniujut – pijjutiqariaaqtut Nunaqaqqaasimajut Qaujimaqtuqanginni ammalu sivulitqituninginni Nunaqaqqaasimajunut. Upalungaijautiit piliriaqarasuttut silaup asijjiqpallianingani... tigumiariqaqtut pijunnautinginni Nunaqaqqaasimajut namminiqsurunnannirmut, ammalu attanajjaiqsijariaaqtut isumaqsurlutit, amma tusaumatitauttiarlutit angirutauput Nunaqaqqaasimajunut.

ICC-KUT IKSIVAUTANGA SARAH OLSVIG, NUVIMPIRI 10, 2025-MI

ICC-kut Iksivautau Sara Olsvig (3-nganiittuq saumirmik) kiggaqtuijuqatigiik Nunaqaqqaasimajunut Katujjiqatigiikkunnut COP30-mi Belém, Brazilmi, Nuvimpiri 2025-mi.

Ajjigiitittiniq ukununga Nunaqaqqaaqsimajut
Qaujimajatuqanginni amma 'Pingannamiutitut' qaujisarniq
pimmarialuujuq tauqsiijjutauniarluni Ukiuqtaqtumi
qaujimanirijaujunik saqqiinirmut amma atuagaq,
tigumiaqtausinnaa inummut amma nuatausimajut
pijunnautingit Inunnut. Ikajuqtuqtaulutit Inuit sivuliqtingit
uumajulirinirmut amma avatilirinirmut qanuiliurutauvattut,
kajunngiqsaivattugut Inuungittunut qaujisaqtinut
atuqtauvattunik, ilinniaqtulirinirmik, ammalu qaujisarviujunut
piliriqatiqaqtut Inunnik, amma nalunaiqsikannirluta
ilaliujjaujariaqallarittunik Ukiuqtaqtumiutanut
Qaujisarutiqaqtunik Ukiuqtaqtumi.

“

*Iluikkaulugu [avatiliriniq] nauttiqsuiniq
ilaqaqtuq tamakkiinni Nunaqaqqaaqsimajut
Qaujimajatuqanginni amma qaujisarniq
suliniqpaanik tukisigiarutissanik pijariaqaqtugut
sapummijauqullugit inuusirijavut,
angunasunnirivattavut, amma niqiqattiarniq.”*

ICC-KUT IKSIVAUTANGATA-TUNGILINGA HERB
NAKIMAYAK, NUVIMPIRI 14, 2025

Uumajuliriniq Avatilirinirlu



Angiruti Uumajuit Ajjigiinginniqaqtunut

ICC-kut Kanatami aulattijut ICC katitittinirmut UN Angiruti Uumajuit Ajjigiinginniqaqtunut (CBD), atiliuqtaulauqtuq 1992-mi amma angirutigijaujummarik nunarjuarmi uumajulirinirmut amma avatilirinirmut aulattinirmik. 3 turaagarijaulauqtut Angirutimut sapujjausimaningit uumajuit ajjigiinginniujut, kajusiinnatukkut atuqtaujunnarningit ilulingit, ammalu naammatukkut ajjigiitittinikkullu katujjauningit ikajuutiit atuqtauninginnut kinguvaaksanginnut atuqtussat. Takunnariaqsimalluta CBD-kunni, ilauqatauqattaqtugut Nunarjuarmi Nunaqaqqaqsimajut Katujjiqatigiit Katimaningani Uumajuit Ajjigiinginniqaqtunut (IIFB), ilaqaqpammijut asinginni takunnaariaqtuqsimajunik Nunaqaqqaqsimajut katujjiqatigiit.

TAMAANI ARRAAGUMI PIMMARIALUIT QANUILIURUTAUSIMAJUT



UKTUPIRI 2025: 1-nga katimani Ilagijanut Timiujuq Ilanga 8(j), Panama City, Panamaamik. ICC-kut katimajaqtuqtittilauqtut 3-nik ilagijaujunik uumunga sivulliqaamut katimanirmut ilagijaujunik Kiana Fostermik, ilagijaujuq Inuit Inuusuttut Katitittinirmut Piliriamik, Kanatamiutaq. Tautugarijaulauqtuq katimanirmik Piliriarjauniarluni Piliriarjaullarittuq ataaniittuq piliriangujuq iqqanaijaamut ammalu uqautaukkaniqtuni attuanikaqtut katiqsuqtautillugit Nunaqaqqaqsimajut amma nunarjuangata nunalinginni. Katiqsuiniq sulii piliriarjaujarialik amma akaungiliurutaaujuq, ICC-kut ajauqtuillutit ajjigiingijjutaujunut-tunngaviqaqtuq qanuiliurutissaq Qaujimariniujaujunik, pijunnautinik, amma ilauqatauninginnut Nunaqaqqaqsimajut CBD-kut pilirialimaanginni.



TISIMPIRI 2025: CBD Allavvinga Qaujimajitanut Katimaniq Pilimmaqsaisinnaa, Bergen, Norwaymi. ICC Kanatami ilauqataulauqtut uumunga katimaniujumik katimajjutikaqtutik qaujisarnirmut amma qarisaajakkut pilirianik attuanikaqtut imarmiutanik uumajuit ajjigiinginniqaqtunik tavvuuna CBD-kut. Ajauqtuillauqtugu ilaliujjauqullugit Nunaqaqqaqsimajut qaujijamatuqangit qanulimaattiaq imarmiutarmi uumajuit ajjigiinginninginnut, piqasiutilugit pivalliatuiningit amma nauttiqsuinirmut piliriat.

TUSAGAKSALIANGUSIMAJUQ:

ICC ilauqataujuq Sivulliqaangani Katimaniup Angirutingata Uumajuit Ajjigiinginniujunik Ilagijanga Timiujuq Ilagutinga 8(j)-mi

18 NUVIMPIRI 2025



“

Piliriatigittut ippigusuttariaqaqtut Nunaqaqqaqsimajut aulattijutinginni amma namminiqsurunnarninginni tawani CBD-mik amma Ilagijanginni Timiujuq uvani Ilangi 8(j)-mi. Pimmariulaaq, ilisarijaujariaqaqtut amma nalunaiqtaujaqsimajut Nunaqaqqaqsimajut ajjiqangimmata kiggatutiqtuut nunalinginni pijjutigillugit piqqusituqaqtugut inuusirijaujut.

Piliriaqariaqattummariujugut sulii taavani [CBD] COP17-mi tamakkua Ilagijanga Timiujuq Aaqqittauqullugu piujukkut, tigumiarlutit pijunnautinginni Nunaqaqqaqsimajut ammalu ippigijauttiarlutit Nunaqaqqaqsimajut aulattijutingit.”

ICC ANGIJUQQAAP TUNGALINGA
HERB NAKIMAYAK, NUVIMPIRI
18, 2025



Katimajaqturumattiaqpugut Ilagijangit Timiujuq Pijjutiqaqtut Qaujisarnirmik, Qarisaujalirinirmut amma Qaujisaujalirinirmut Uqaujjiarnirmik amma Ilagijangit Timiujuq Ilagutanga 8(j)-mi katimaniujunik ammalu sivumuaqtittivallianirmik piliriatigiiunut pannautinik. Piliriatigiqarumallartugut aaqqittaunasunningani katiqsuiniq taakkuninga Nunaqaqqaqsimajunut amma kiggaqtuijunut nunalirjuunik. Niriuttugut COP17-qattialaarnirmik Uktupiri 2026-mi, ammalu piliriniqattiarnirivattatinni kajusittittarluta Saami Katimajinginni amma Saami Maligaliurvingani nassaqtuqullugit Ukiuqtaqtumi sivulliqaupaujat aajjiqatigiinniujunut.

Asingit Uumajulirinirmut Angiqatigiigutiit

ICC Kanata aulattijuq ICC-kut katimatittiningani 2-nut pimmarijuunnuk uumajulirinirmut angiqatigiigutiit: Angiruti Nunarjuarmi Tauqsiiqattautinirmut Nunguliqtunut Uumajunit amma Piruqsiaq ammaluttauq Nunarjuarmi Katujjiqatigiit Sapujjauninganut Nuna. ICC-kut Kanatami amma ICC-kut Alaskami ilauqataupattarmijut ilagilluniup Kanatami katimajaqtupattunut Angirutimik Aapujjausimaninginnut Nanuit (qaujimaajuq Nanuqarviut Alaskami). CITES amma IUCN-kut angijualuummata, taikkua kisiani Aviktuqsimajut Alaskami nanuqaqtut uattuaru kisiani kamagijauniaqtut. Taakkunalimaaq katimaniujunik, nassapattavut Inuit Qaujimaajuqatigut amma inuusittinni atuqsimajavut kajuusinnarunnaqtunik atuqtauninginni amma aulatauninginni Ukiuqtaqtumi uumajuqtigijavut. Kajunngiqsaivattugut atuagarmi amma atuqtaujarialinnut isumaqsasurutinik amma tauqsiiqvattuta qaujimanirijaujunik Nunaqaqqaqsimajut Katujjiqatigiinnut ammalu asinginnut Nunarjuarmi piliriqataujunik.

TAMAANI ARRAAGUMI PIMMARIALUIT QANUILIURUT AUSIMAJUT



UKTUPIRI 2025: IUCN Nunarjuarmi Katimavijjuarniq, Abu Dhabi, United Arab Emirates. Una angijummarialuk katitittiniujuq arraagu 4 aniguraimmata katitittivattugut ilagijaujunik piqujivungaani kajusittitillutit, kajunngiqsaillutit uumajulirinirmu atuagarmik, amma aaqqittauluni IUCN-kut atangijunik piliriant panautinik. ICC Kanata katimajaqtulauqtugut taassumunga katimanimut kiggaqtuullutit ICC-kunni; ICC-kut akunimmarialuk niruaqtuqataujug IUCN-kunnut. Nunaqaqqaqsimajut Tupinga – sivulliqaangujuq IUCN-kunnut – aaqqittaulauqtugut IPO-nut amma Nunaqaqqaqsimajunut Katimaningani katimavijjuarnautillugu, aippaqaqtutik amisukallanni katimajiralaat uqaqatigiitillugit amma unikkaarinaqtillugit. IUCN saqqiilauqtugut ‘qanuittuujariaqarninganut maligarmik’, atuqtaupattarminginnut Nunaqaqqaqsimajut amma nunaliujut malilaungimmata ICC-kut qanuilinganirijangani. Piliriqatigilauqtugut Saamik Katimajinginni titiraqtaugiangaqullugit kiujtivut taassumunga tuksirautaujumut ‘qanuittuujariaqarninganut atuagaq’, kisiani utaqqijut kiujaujariangit. IUCN-kut Aupaqtug Titiraqsimajut Ulurianaqtumiittut Uumajuit ullumimuungaliqtatulaqtugut ilaliujjauqullugit 3 Ukiuqtaqtumi nattiit, kisianili, aulattinirmut attuinitaangittugut Inunnut.



NUVIMPIRI 2025: CITES COP20, Samarkand, Uzbekistan. ICC-kut Kanatami qaujilauqtut ukuninga katimaniujunik qarisaujukut. Piliriqatigiittut ikajuqtulauqtut sanajauningani ilinnarutissaq nalunaikkutaliqsuinirmik amma nalunaikkutataqatittinirmut pilirijusimik sunatuinnarnut CITES–titiraqsimajangit uumajuit Nunaqaqqaqsimajunut qaujisaqtuqullugu atulitittinirmut qaujisarutaugajaqtugut –una ikajuutiqarajaqtugut attuiluni Inunnik Inuit Nunangani. Pitaqalaungittugut titiraqsimajunik-tuksirautinik Ukiuqtaqtumi uumajunginnut CITES uigunginni nalunaiqsisimajumik uumajunik isumaaluutaunumik.



JAANUARI 2026: Nanuqarviujut Kiggatuqtiit Nunaliur Katimaniq Piliriqatigiittunut, katimatitaujuq qarisaujukut Gavamangata Kalaallit Nunaanit. ICC-kut Kanatami amma amisukallait ITO-kut ilauqataulauqtut tavvani arraagu 2 aniguraimmat katimanirmik takurannariaqtusimallutit. Kiggatuqtiit nunaliur tigusilauqtut nutaanik 3-nut piliriassanut pannautimik amma tunisilauqtut ullumimuungaliqtatuisimajunik nanunut aulattijutilimaanginnut qanuilirutausimajunik, piqasiutillugit angunasunnirmut kuutait, atuqtauningit Inuit Qaujimaajuqatigut, inugianingit nalauttaaqtauisimajut, ammalu uumajut qanuinningit. Piviqatittilaurmijut Inuit katujjiqatigiinik Ukiuqtaqtumiutalimaanik ullumimuungaliqtittijumappata/unikkaarumappata qanuiliurutigisimajanginni amma isumaaluutinginni pijjutiqatut uumajunginni aviktuqsimanirijanginni.



JAANUARI AMMA VIIUVUARI 2026: IUCN-kut Tunngaviksats Pigiattiaqsimagalit Discoverykkut Pinasuaqatigiit Katimajingit katimalauqtut marruiqlutik uqaqatigiigutigillugu piliriaksamingnut parnauti. Ukua pinasuaqatigiit ilagijaujut piliriarijagitta IUCN nunamiutarnik atuqtaujjaarunniqtut 15-nga-100-nit Iksirarjuakkuuqtut Tuksiarvingitta Tunngavingit isumalirutigisimajamingnik aktuisimajut nirjutinik ammalu avatimik aulattijutaujunut. Ilisiqasiujjinaqtugut piliriaksanut parnautini ammalu tukitaarutauvallianiaqtut ammalu katitaulutik uuktuutit kajusittiaqsimajunit nunamik-paqijjuqatigiingniq Inuit Nunangani saqittiaqsimajut qanuq Inuit nunamik paqijusingit ammalu ikajuusingit nungutauvallianngillutik atuqtauniarmata ammalu sapummilugit nunamiutait imarmiutallu.



ICC-kut ilauqatauniaqtut CITES-kut katimajiralaat katimaninganut Ukiasaaq 2026-mi. Piliriqatigiarumavugut asinginni IUCN Nunaqaqqaarmajut Katujjiqatigiinginni katiqatigilugit amma tauqsiiqatigilugillu tukisigiarutissanut uqalimaagaqarvingani IUCN Piqujivungaarutinginni amma tauqsiijjutinginni ammaluttauq Nunaqaqqaqsimajut atuaganginni ammalu qaujisarutaujut ajjikasangata Piiqtauningani Nanisijjutausimajut.



Joseph Arey tigumiaqtugut puuqqaqsimajumik paniqtunik iqalunnik taikani ICEDO kanturi niqiliringani Inuvimmi, ISR. ICPC-kut Inuit niqigattariaqarnirmut pilirijiit pulaarialauqtut kampanimut ilagijauulluni katimanirilauqtangata Tisipiri 2025-mi.

Uumajulirinirmik & Avatilirinirmik Qaujisarniq



Pilirivattugut tukiqattiaqtunik Inuit ilautitauqullugit qaujisarnikkut uqausiqatunuk Inuit sivulliqpauqujanginni. Qaujisaqattaqtugut katujjiqatigaqtuta Inuit katujjiqatigiinginnik, ajauqtuilutalu asijjiqtauqullugit qaujisainirmut aulattiniujut atuagait, ammalu katujjiqatigaqpattuta kausiniqattiaqtunik pilirijjusiujunik ammalu asinginni qaujisaqtinik. ICC-kut Kanatami ilauqattaqtut Kanatami Inuit Uumajulirinirmut Katimajiralaanginnut, taikani katujjiqattaqtugut pilirianguinnaqtunik, isumagijattinnik tauqsiiqattaqtuta, tusaqtitauvattutalu tukimuattitauvattutalu avittuqsimaniujuni, ammalu ikajuqsuivattugut pilirianguvallianginnaqtunik ICC-kut Inuit Uumajulirinirmut Katimajiralaangit.

TAMAANI ARRAAGUMI PIMMARIALUIT QANUILIURUTAUSIMAJUT



ICC-kut Kanatami Piliriqatigalauqtuq Nunarjuarmi Piliriqatinginni Ullumimuungaliqtitillutit Nunalinnut Tunngavigaqtuq Nauttiqsuiniq Qarisaujamik Nunannguangani, pilirijjuti tukimuagiaqtittinirmik nunalinni-tunngavigaqtuq amma Nunaqaaqaaqsimajunut-aulataujuq Ukiuqtaqtumi nauttiqsuiniq qarisaujamik nunannguarmik, pilirijjuti.



JULAI 2025: Arraagutamaaqsiut Katimaniq Kanatami Katujjiqatigiit Avatilirinirmut amma Sivumuarnirmut Katimaniq, Sheerbrook, Kanata. Kanatami tunisilauqtuq qaujijjutaminirnik piliriamut taijaujuq “Nunaqaaqaaqsimajunut Qaujijjutauqat najugangit uuttuutigijaujut ujjunut (ujjuk) sijjanganin Alaskaup imaqtuqtinginni” ammalu ilauqataulauqtut katimanirmik uqausiqatutik katitauninginni ajjigiingittut pilirijjusiit uumajulirinirmuungajunik qaujirutit amma aulattijjutit.



AAGASTI 2025: 35-nga arraagutamaat Iñupiaq amma Inuvialuit Qilalugarnik amma Nanunni Aulattinirmut Katimaniq, Utqiagvik, Alaska. ICC-kut Kanatami ikajuqtuijut piliriarijanganin taassuma aulattinirmut pigiaqtitausimajuq ilauqataulluni Nigiani amma Uannanganin Alaskaup Tariungani Nunaqaaqaaqsimajut Qaujijjutauqangit Katitausimajut Inugianninginnut Pilirijjusiit Piliriqatigiittut



NUVIMPIRI 2025: Sikulirinirmut Qaujijjutat amma Akukittumi Qaujisarnirmut Pinasuarusiq, Nuuk, Kalaallit Nunaani. ICC-kut Kanatami ilauqataulauqtut SAON ROADS Sikulirinirmut Qaujijjutat Katimaniqatillugit, aippaqaqtutik qaujimanigaqtunik Kanatamiinngaqsimajunik ammalu Kalaallit Nunaanit, ammaluttauq asinginni kaujijjutarnik

sikulirinirmut qaujisarnirmik amma usijulirinirmik. Akukittumi Aaujisarnirmut Pinasuarusingani, ICC-kut Kanatami ammalu ICC KN-kut tunisilauqtut CBMP mitsaanut, inunnut pijunnautit-tunngavigaqtut qanuiliurutaunasuttunik qaujisarnirmut ammalu qanuq ilaliujjaujunnarmangaata Nunaqaaqaaqsimajut Qaujijjutauqangit amma ‘Pingannaup’ qaujisarutitut tukisigiarutissanik katutilutit qaujirutimik. Qaujisarnirmut Pinasuarusinga pivigaqtitilauqtut ICC-kunni tunisiquullugit Nunaqaaqaaqsimajut qaujijjutauqangita titiqqaqtuqtinginni ammalu pimmariuminginni Nunaqaaqaaqsimajut Qaujijjutauqangit tukisijaujumallutit uumajut amma uumajut najugaqarvingit qanurlu tusaqtittijariaqarmangaata aulattijjinik.



TISIMPIRI 2025: ArcticNet Qaujisarnirmut Katimaniq, Calgary, Alberta. ICC-kut Kanatami unikkaalauqtut piliriarittini piliriqatigillutigu Aviktuqsimaniujunik Nunalinni Alaskami Uumajulirinirmut Aulattinirmi Allavvinga ammalu angunasuttinik Utqiagvik, Alaskami. Una piliriaq tautugaqalauqtuq sanaqtigiinnirmik ujjut najugagirivattatinni uuttuutit tunngavigaqtut Nunaqaaqaaqsimajut Qaujijjutauqanginni, nalunajaisimalluni pijaujariqarmarittunik tukisigiarutissanik pimmarialuujunik pijjutaujut urjunut Alaskaup Imavingani. Saqqiqtaulauqtuq uumunga piliriamut saqqilaaqtuq 2026 isuni.

SUNAUNIALIRIVA?

ICC-kut Kanatami ikajuqtuijumaaput nunalinni-tunngavigaqtumi nauttiqsuinnirmut iqqanaiaamik Inuit Nunanganilimaattiaq ammalu piliriaqalaaqtut sanajauningani atuliquausimajut ammalu tauqsiijjutaujut Inuit tukisigiarutissanganin namminiarnirmut amma Inuit qaujisarnirmut aulattijjutanganin aturlutit nunarjuarmi taututtaujut. Niriuppuguttauq sivunissamik qaujisarutaulaaqtunik ilaliujjisimajut sanaqtigiinnirmut qanuqtuurutissanik ilaliujjauqullugit Nunaqaaqaaqsimajut Qaujijjutauqangit tukisumatitaukkanniquullugit silaup asijjipalliananganut uuttutitilunirmik tukisumajunirmillu uumajunut kiujjutauvattut.



AJJILIURJUMINIQ: NATALIE LANE

Sururnaqtut

“

Katittugit, angijummariuningit taakkua sururnaqtut isumaaluutaullarimmata, upinnarani avatimiiliraimmata, surappallianngimmata. Tamanna tukiqaqtuq taakkua katinngajut kajusivalliatillugit avatimut, quvvasinningit kajusiinnarniarmata quvvapallialutik amma nuappallialutik uumajunut amma aanniaqarnanngittulirinirmut isumaaluutauliqtutik. Tamanna siqumittiniujuq inui pijunnautingilnik qanuinngettiaqtumik avatiqariaqarnirmik, ammalu tuksiraqtuq maannattautigi nunarjuarmi qanuiliuqujillutit, qaujimattiaqullugit angilligiakkannirniujut nuqqaqtitaujunnarmata,”

ICC–KUT
NUQQAQTINASUAQRANGA
STOCKHOLM POPS, COP12, 29
AIPURU 2025

Inuit attuqtauqattaqsimmamata amma attuqtaullarinnati ungasittumiinngaaqtuni ingirrajjutinut sururnaqtuni. ICC–kut Kanatami kajusiinnaqtut ICC–kunnut kiggaqtuijigijaulluti sururnaqtulimaanut piliriangujunik. Piliriaqaqtugut UN Avatilirinirmut Piliriami nunarjuarmi angirutinik amma aajiiqatigiinniujunik pijjutiqaqtunik sururnaqtunik: Stockholmmiangiatigiiguti Nungusaraittunut Sururnaqtunut (POPs), Minamatami Angirutinga Qupirruarjunut, ammalu Gavamauqatigiit Aajiiqatigiit Katimajiralaat Nunarjuarmi Angirutiugajaqtumut Auttajuunut Sururnaqtunik. Ilauqatauvammijugut sururnaqtulirinirmut piliriangujunik ukiuqtaqtumut katimajinginni. Kanatamituinnaq, ICC–kut Kanatami piliriaqarmijugut Ukiuqtaqtumi sururnaqtulirinirmut piliriami, kiinaujaqaqtittivattut ICC–kut Kanatami sururnaqtulirinirmut pilirianganut. NCP–kunni, ICC–kut Kanatami nunaqaqqaasimajjuullutit piliriqatigijaujuq amma ilauqatauvattuni aulattijiit katimajiralaanginnut amma qarisaujukut qimirrujiit katimajiralaanginnut, ammattauq asingillu. Piliriaqaqpattugut mikillivaalliqlugit sururnaqtumiittittittailinirmik amma sururnaqtulirinirmut attuaniaqtut piliriangujulimaattia Ukiuqtaqtumi kamagijaqariaqaqtut Inuit pijarialinginni, atuqpallutit ippigusuttiarlutillu Nunaqaqqaasimajut Qaujimajatuqanginni, ammalu ippigusuttiarlutit Inuit pijunnautinginni.

TAMAANI ARRAAGUMI PIMMARIALUIT QANUILIURUTAUSIMAJUT



AIPURU-MAI 2025: Stockholm POPs COP12, Geneva, Switzerland. ICC–kuniingaaqsimajut katimajaqtuqsimajut ilaqalauqtut ICC–kunni Kanatami amma Lucy Greymik Nunavimmiutaq. Malilauqtavut ilauqataujulimaat nilliaqatigiittillugit ammalu saniraagut qanuiliunniujut. Tavvani katimanirmik, 3 sururnaqtut ilaliujjaulauqtut Ilaguti A–mut Angirutimik nunguttitauqullugit, inummut-sanavinik sururnaqtut sanajauvattut (long-chain perfluorocarboxylic acids), piluaqtumi isumaaluutaugut Inunnut pijjutigillugit angijuuningit ilanginni Inuit inugianniujunik.



AAGASTI 2025: INC 5.2, Geneva, Switzerland. ICC–kuniingaaqsimajut katimajaqtuqsimajut sivukkataqtaulauqtut Iksivataunganut Sarah Olsvig, ammalu ICC–ku Kanatami katimaqataulautut ilagijaullutit Kanatamiinngaaqsimajunik. Piliriqataulauqtugut katimaniujumik, piliriqatigaqtuta Nunaqaqqaasimajunik Nuqqatittinasunnirmik ammalu katiqatigalauqtugut amisukallannik kiggaqtuijinik Nunalirjuamiinngaaqsimajunik. Una kingulliqaanguqiaqalauqtut aajiiqatigiinniujug, kisiani ilulissangit angirutaujunnalaungittut.



UKTUPIRI 2025: Ukiuqtaqtumi Sururnaqtulirinirmut Piliriami Saqqiqtat Katimaniq Pilimmaqsaisinnaa, Ottawa, Kanatami amma qarisaujukut. ICC–kut Kanatami qarisaujukut unikkaalauqtut nunarjuarmuungajunik piliriattinni uuttuutiqaqtuta qanuq Nunaqaqqaasimajunut katimaniujut imaigiaqarmangaata amma imaigunnarmata amma kajunngisuijariaqaqtut sururnaqtunut attuniaqaqtunik atuagarnik.



NUVIMPIRI 2025: Minamata Angiqatigiigutinga COP6, Geneva, Switzerland. ICC–kuniingaaqsimajut katimajaqtuqsimajut sivukkataqtaulauqtuq ICC–kut Angijuqqaap-Tungalingata Herb Nakimayakmut amma ilaqaqtuni 2–ni FJMC–kunniingaaqsimajuunni (ISR). Ilauqataulauqtugut amisukallannik saniraagut qanuiliurniujunik ammalu aaqqissilauqtugut 1–mi Nunaqaqqaasimajunik piliriqatittinni Amazonminngaaqsimajut. Ukiuqtaqtumi–Amazon saniraagut qanuiliurniujug nalunaijailauqtuq pimmariuminginni Nunaqaqqaasimajunut-aulataujut nauttiqsuinirmik amma nalunaiqsilluta qanuq sururnaqtut savirajat guulunnianirmut Amazonmi anirnimuuqqapammangaata, kuunut, amma imaviup ingirranirijanganut Ukiuqtaqtumut amma attuivattutik avatittinni Inunnillu. Amisukallannik nuqqatittinasussimaliralaqaqtugut ilauqataujulimaanik nilliaqatigaqtuta ammalu piliriqatigaqtuta asinginni ilauqataujunik aaqqinasuaqtuta Nunarjuarmi Nunaqaqqaasimajut Katimanirmi sivumuaqtinasuttugit Nunaqaqqaasimajut ilaunirivattangit Minitama Angirutingani. Kingulliqaami ullungani, Nunarjuarmi kiggaqtuijit angilauqtut isumaliurutaujumik pijjutiqaqtuq pijunnautinginni Nunaqaqqaasimajut aaqqittaasimajut UNDRIP–kunnut amma tiliurilluta Angiqatigiigutimut allavvingani uqaujjaugiaqullugit Nunaqaqqaasimajunik saqqiqtaulutit Nunarjuarmi Nunaqaqqaasimajut Katimaninga Pijjutiqaqtuq Sururnaqtuni Savirajanut.



VIIVUARI 2026: INC 5.3, Geneva, Switzerland. ICC–kut Kanatami katimajaqtulauqtuq kiggaqtuillutit ICC–kunni. Takunnariaqtuqsimallutit, 1–tuinnarmik katimajaqtuqsimajuqarlutit, pijunnautiqangilluni nuqqatittinasuarniujunik. Ullulimaat akuniujummarimmi katimanirmik, INC 5.3 niruaqsilauqtut nutaamik INC Iksivautangani; utaqqijugut tusaqtitaularianga qanga ammalu qanuq aajiiqatigiinniulaqtut kajusilaarmangaata.



VIIVUARI 2026: Atuutiqattiarningit Qaujisaqtiit Minimata Angiqatigiigutingani, Geneva, Switzerland. Ukua katujjiqatigiit aaqqittaulauqsimajut 2023–mi qaujisaqtauqullugit aatutiqattiarnirijangit Angiqatigiigutiup ammalu nunarjuarmi qanuiliqtaunasuttut sururnaqtunik savirajanik. 25–ngujut ilagijaujut Piliriqatigiittunut, ammaluttau amisukallait takurannaariaqtupattut. Una Katujjiqatigii isumaqsaqsuiqtuq 36–ni nalunaikkutanik amma Unikkaanik Tavvanngat–Nuattijinik Qaujisaqtinik Katujjiqatigiit Angiqatigiigutingani, aaqqissuiqullugit atuutiqattiaqtunik qaujisanikkut unikkaamik. ICC–kut ilauqataujummariulauqtut katimanirmik takussautitauqullugit Nunaqaqqaasimajunut isumaaluutaugut amma piliriarijaujut tavvani pimmarialummi unikkaami.



TUSAGAKSALIANGUSIMAJUQ:

ICC–kut Sivumuaqtittijut Nunaqaqqaasimajunut Aulataujuq Sururnaqtunik Aavirajanik Nauttiqsuinirmik Amma Piliriqatigiinnirmik Minimata Angiqatigiigutingani COP6

14 NUVIMPIRI 2025



SUNAUNIALIRIVA?

ICC–kut Kanatami ikajurumaniqattiaqtut Nunaqaqqaasimajut ilauqatauninginni Minimata Angiqatigiigutinganut, ammalu piliriqatiganasuaqtugut maanna pivissaujunik Nunaqaqqaasimajunut katujjiqatigiinik Amazonmiinngaaqsimajunik ammalu ilauqataujjutissanik FJMC–mik. Niriunginnaqpugut sanngijumik, maligaqtigut nunarjuarmi angiqatigiigutimik auttajuunut sururnaqtut angiqtaulaarmat maannaruluk sivunissamik.



Inuqutivut amma Iliqqusivut

Iliqqusivut attuammat aanniaqarnangittulirinirmut amma qanuingittianinginnut inuqutittinnut, nunalittinnut, ammalu Ukiuqtaqtutta avatinga: naliatuinnaq piruqpalliajunnangimma aippaqangilluni. Inuit aanniaqarnangittulirinirmut amma qanuingittianingit uummatigijaummat ICC-kut piliriangani, tukisitittittiaqtuni iniqtirinijjatauunik amma pigiaqtitausimajunik. Sanngijjutaulluni katujjijattinni Inuit iliqqusinginni ammalu ICC-kunni Kanatami kajusitittinasuaqpattuq nunarjuarmuungajunik piliriattinni.

“

Iliqqusi, ilagillugit sanajjutingit, tarnikkut amma sunatuinnarnik iluliqaqtut, tunngaviqaqtittijut Inunnik piruqpalliatittinirmut. Iliqqusi q tukiqarmat amma kinautittimmat nunalinni inuusirnu...Inuit iliqqusinga, taimanna asingita iliqqusirijaujut, uummarimmat amma taimailingainnangimmat. Pivallianginnaqtuq ammalu asijjipallianginnaqtuq sunatuinnarnut iluani amma silaataniinnгааqtunik Ukiuqtaqtuup. Inuit iliqqusinga pimmarititaujariaqaqtuq pivalliajulirirmut isumaliuqtillugi isumaaluutaummata Ukiuqtaqtumi aviktuqsimaniujunik.”

ICC-KUNNI TUNNGAVINGIT AMMALU ILANGIT ATANGIJJUMIK UKIUQTAQTUMI ATUAGAUP, UNIKKAANGULAUQTUQ 5-NGANI KATIMAVIJJUARNIUP, 1989

Aanniaqarnangittuliriniq & Qanuingittiarniq



QARISAUJAKKUT UQAQTIIT

- Aaqqinasuaqtugit Ilagiit Kajusiniqattianirmik
- Tukimuagiaqtittiniq: Iliqqusirmuungajut pilirijjusiit tukimuagiaqtittijut qanuingittianirmik, sapiliqtailinirmik amma kinaunirmik
- Pittailittiniq: Piliriat turaagaqaqtut mikillivaallittinirmik attanaqtunik amma sanngaqtittinasuttut sapummijjutinik
- Nuqqattittinasuanniq: Nunalinni tunngaviqaqtut kiujjutit pijaujariaqaliqpalliatuinnattunut uvvaluunniit aksuruutaujunut
- Sapujjiniq: Pilirijjusiit amma ikajuutiit attanaqtumiitittiqujingittut tukimuagiaqtittitillugit mamisarnirmik amma ilagiinik katittinirmik
- Isumaqsasqsiuniq amma tautungaqarniq

Inunnut aanniaqarnangittuliriniq amma qanuingittianirmut ajauqtuiniq, atuagaq, amma qaujisarniq sivulliqaupautitaujut ICC–kunnut. Piliriat tunngaviqaqtut qanuingijjutinginnut amma qanuingittiarninginnut Inunnut, ilagiinut, amma nunalinnut – kajusittiapattugut inuqutivut qanuingittiaqullugit isumakkut amma timikkut. Saniani nunarjuarmi piliriattinni aanniaqarnangittulirinirmut amma qanuingittianirmut mitsaanut, ICC–kut Kanatami ilauqatauaqtatut attuaniaqtunik Kanatami katimajiralaanut, piqasiutillugit Kanatami Inuit katimajirala, qaujimanirijattinni katujijumalluta amma piuniqpaanik pilirijjusinik tunisijaulutalu isumagijaujunik sivulliqaapauqjanik taakkunanngat Inuit angiqatiguutingani katujjiqatigiinut.

TAMAANI ARRAAGUMI PIMMARIALUIT QANULIURUTAUSIMAJUT



TISIMPIRI 2025: ICPC Niqituinnarnut Piliriat Qaujimajaujunik Tauqsiiniq, Inuvik, ISR. Una katimaniq aippaqaqtuta ITO–kunni, ITK, amma gavamatuqakkunni piliriqatigijattinni, piqasiutillugit Iqalulirijikkut amma Imarmiutalirijikkut Kanatami, Piruqsialiriniq amma Piruqsia–Niqiliriniq Kanatami, ammalu Kanatami Niqinik Qaujisaqtii Pilirivinga; taututtaulluni ilippalliaqatigiinni, Inuit Qaujimajatuqangit, amma ajjigiittunik atuinnaqarniq niqituinnarnik. ICC–kut Kanatami unikkaalauqtut ajjinnguanik titiraqsimajunik niqiqattiarniup mitsaanut amma piliriangulauqtunik piliriqatigijausimajut Ukiuqtaqtumi Inuit Aanniaqarnangittulirinirmut Namminiaqatuijunik Katimajiralaat. Una katimaniq pimmarialuulauqtut sanngatittigiarnirmik piliriqatigiittunik Inuit Nunanganilimaattiaq ammalu gavamatuqakkunni piliriqatigijattinni ikajuqtuillugit sivumuaqtitauninga niqiqattiarniq amma namminiqarnimut pilirianik atuagarnillu.



JAANUARI–MAATSI: ICC–kut Qarisaujakkut uqaqtiit tungiliriit. ICC–kut Kanatami aulattilauqtut 6–ni pinasuarusirnik qarisaujakkut tungiliriittunik takussautittillutit Inunnik uqaqtinik amma kiggaqtuijinik Inuit katujjiqatigiinik Inuit nunanganinngaaqsimajunik. Ukua tungiliriittut takussautittilauqtut qanuqtuututissanik Inunnut–aulataujunik pilirianik, pijiqtirautinik, ammalu nunalinnut–aulataujut qanuqtuututissanik ikajuqtuijut qanuingittiarutiginni amma qanuingittiarninginni Inuit surusingit amma ilangit. Qarisaujakkurniq pilauqtut 200 ungataaniittunik atiliuqtunik; ammalu atuni 2 ikarraak katimaniujuq 50–90 Inuit ilauqataulauqtut nakinngaaruulujaqsimallutit Ukiuqtaqtulimaamik.



MAATSI 2026: iqinik Namminiqarnimut Katimaniq, Ottawa, Kanata. CIRNAC–kunnut amma Niqinik Aiqsirviit Kanatami Katimatittilauqtuuk, una katimaniujuq upattaulauqtuq amisunut Nunaqaqaaqsimajunut sivuliqtinut, piqasiutillugit Natan Obed, ITK–kut Angijuuqaanga amma ICC–kut Angijuuqaap–Tungalinga, Kanatami Piliriat. Una katimaniq piviqaqtittilauqtuq tauqsiijjutissanik qaujimajaujunik, piqqusituqarnik, amma tukisigiarutissanik namminiqanirmik amma niqiqattiajjutissanik ajauqtuijumallutit aaqqigiarutissanik gavamatuqakkut Niqiqattiarniq Ukiuqtaqtumi Kanata (NNC) Pilirianga. Inuit Niqiqattianirmut Piliriqatigiit, ICC–kut iksivaarvigijanga, ajauqtulauqtut Inunnut–turaangajumikajjiungittunik tunngaviqaqtumik NNC–kut aaqquumaningani, tunngaviqarluni Inunnut–aulataulutit amma Inunnut–tusaqtitijjutinut aaqqigiarutissanik.

AJJILIURIJUMINIQ: ICC KANATAMI



“

Inuuniq
Quviasuutimmariujuq...
Pikkanniriaqaqtugut
Quviasuutissanik Nunalinni.
Pikkanniriaqaqtugut
Niriugutissanik.”

ABRA NUNGASAK PATKOTAK,
SANAJUQATAUJUQ AMMA
TUKIMUAQTITTIJUQATAUJUQ
ALAASKAMI
NUNAQAQQAQSIMAJUT
INNISUQSIIJINUT AMMA
ICC–KUT UQAQTINUT
TUNGILIRIITTUNUT
QAIQUJAUSIMAJUQ,
JAANUARI 2026.

ICC–kut Kanatami
Aanniaqarnangittulirinirmut
Qaujimanirijaujut Nuttiqtaujuq Qaujimajitaq
Melynda Ehaloak aippaqaqtuni
Senatormik amma ICC–kunnut Kanatami
Angijuuqaangulauqsimajuq Nancy
Karetak–Lindell Niqinik Namminiqanirmut
Katimaningani, Maatsi 2026, Ottawa, Kanata.



ICC–kut tunngasuttittigumalaaqtut 2–nik nutaanik ilagijaujunik Kanatamiutaannik ICC–kut Ukiuqtaqtumi Inuit Aanniaqarnangittulirinirmut Katimajiralaanginnut, sanngattigiarlugu Inuit sivuliqtingit amma piliriqatigiinniuvattut aviktuqsimaniujunik. Una tunngavigilugu, ICC–kut sivumuaqtittiinnarasuarniaqtut aanniaqarnangittulirinimik amma qanuingittianirmik pigiaqtitausimajut ammalu kiujjutiqarlutit nutaanut atuagarnut saqqipalliajut tavvannga aggiqtumut 15–nga ICC–kut Katimavijjuarnirilaatangani.

Papattivik amma Tukisigiarutissanik Aulattiniq



IKIAQQIVIK
QAUJIGIARLUGU UVANI



ICC–kut Kanatami Papattivinga sapujjisimajuq amma tukimuagiaqtittivattut katujjiqatigiit titiqqaqutinginni. ICC–kut piusirisimajanga ilagijaujuq Inuit piusirisimajanginnut: titiqqaqutivut, tarrijaassavut, ajjinnguavut, nipiliuqsimajavut, nunannguut, amma asikkanningit uqaujjiut unikkaanik qanuq Inuit kajusisimmamangaata amma namminiqsupammangaata aksurunnaqtunik pijjutaujunik anginiqpaamik nunarjuarmi ikajuqtuijunik amma sivumuaqtittijunik Inuit sivulliqaupauqjanginni. ICC–kut Kanatami Papattivinga qarisaujarmik turaarutinga, qinirviujunnaqtuq tukisigiarutissanik tigumiaqtaujuunik, kikkutuinnarnut atuinnaujut Inuktitut amjimalu Qallunaatitut. Nalunaijaqpattavut tuqquqsimajut akuniujukkut piliriangujuq, piliriangusimajummariulitunik tamaani arraagumi. Tukisigiarutissaaluit amma tukisigiarutissanik aulatinirmut pilirijjusiit ammalu atuinnaqarniq tuqquqtausimajunik titiqqanik pilirijjusillariujut ikajuqtuillutit qanulimaattiaq ICC–kut Kanatami pilirianginni.

TAMAANI ARRAAGUMI PIMMARIOUIT QANULIURUTAU SIMAJUT



Titigqalimaattiat attuanigaqtut ICC–kut Katimavijjuarninginnut nalunaikkutaliqsuqtausimajut, nalunaijaqtausimajut, amma ilaliujjausimajut qarisaujakut turaarutingani (Qallunaatitut), piqasiutillugit 100–nginniittut titiqqat qarisauuuqqaqsimajut ammalu 1000–nginniittut ajjinnguut. Attuanigaqtut taakkununga titiqqanut, Tuqquijiit titiralaqtut 400 ungataaniittunik naittunik inuusirijausimajunik Inunnut katujjiqatigiinut ilauqataupattalaqtut ICC–kut Katimavijjuarninginni 1977–mini maannamut amma ilajaullutit qarisaujakut turaarutinganut.



Inuktituungajut nalunaijaqsimajut amisukallannut titiqqaliangusimajunik katiqsuqtausimallutit ammalu inuusirijausimajut attuanigaqtut taakkununga ilaliujjaulauqtut qarisaujarmik turaarutingani tamaani arraagumi, piqasiujjaullutit Ukiuqtaqtumi Utturautaujut Piliriat (1980 pigialiqtillugu) amma 1–nga, 2–nga, 3–nga, amma 9–nga Katimavijjuarniujut.

Qilaujjaqti Ego amma mumiqtiit Nuummi Aliikkusersuisartut Isiginnaartitsisartut Peqatigiiffiat takurannaatittilaqtut 3–ngani ICC–kut Katimavijjuarningani Iqalunni, 1983–mi.



Sanavalliatilluta piliriarjattinni arraaguulauqtumut, ikajulauqtugut piusititauningani SharePoint ikiaqqivinga nutaanik pilirijjusinik piusivaalliqullugit atuutiqarningit ammalu piliriqatigiittunut/allavimmi piliriqatigiinnikkut, piqasiujjaulluni qarisaujakut aullaqattanirmut tuksirauti piliriangujut.



AIPURU 2025: Saqqiqtauninga tarrijaassaq ilinniaruti Inuktituungajuq qanuq atuqtaujunnarmangaag Tuqquqtausimajut Qarisaujakut turaarutingani. Atuinnaujuq ikajuqtaujumajunut mappigangani, una naittuq tarrijaassaq pitittijuq nalunaijautimik tuqquqtausimajunut amma takutittilluni ajjigiingittunik qanuq nanisijunnarmangaappit tukisigiarutissanik uvagut ikiaqqivingani.



VIIVUARI 2026: Kanatami Inuit Tukisigiarutissanik Aulatinirmut Katimajiralaat katiqatigiilauqtut katimanikkut, Halifax, Kanatami. ICC–kut Kanatami ilauqataulauqtut tavvani ITK–kut–aaqqissimajangani katimajiralaamik arraagu iluani, pilirijummariulauqtut tavvani katiqatigiinniumik katimanirmik saqqiqtaulaarninganut Kanatami Inuit Tukisigiarutissanik Upalungaijautimik.



We are excited to start processing records relating to more than a dozen ICC summits and conferences. We also anticipate completing work on our Arctic Council records, one of our larger record sets. We continue to explore more ways for direct Inuit engagement in the archives.

TAKUNNARLUGU
TUQQUQTAUSIMAJUT
ILINNIARUTIKSAQ
INUKTITUT UVANI



50 ARRAAGUT

50 arraagut aniguqsimaliqtut, Inuit aaqqissuivallililauqtut 1–ngani Katimavijjuarniup Inuit Ukiuqtaqtumi Katimavijjuarniq, uattiaruulirmat atiqalilauqtuq Inuit Ukiuqtaqtumiuqatigiit Katimajinginnut qaujimajavut taimanna ullumi. Tuqquijvut maanna piliriaqalirmijut aaqqissuillutit amma atuinnautittinasuaqtutik 50–nut arraagunut piusirijausimajut.

Pijunnautivut amma Sivunissavut



TUSARASSALIANGUSIMAJUQ:

Inuit Arnait Katimavijjuarninga pijariiqtuq tusaqtittijutimarimmik

UKUPIRI 2025



ICC-Kut Kanatami Herb Nakimayak ammalu UNPFII katimajaqtusimajut Ottawami, Maatsi 20, 2026.

Saqqiqtilauqtillugu 1977-mi, ICC-kut piliriaqaqsimajut sivumuaqtittinasuttut Inuit Inunnut pijunnautinginni ammalu Nunaqaqqaqsimajut pijunnautinginni piliriarjalimaattinni. Tamaani arraagumi, ICC-kut Kanatami piliriaqalauqtut suli Inunnik Inuusuttuni Katimatittinirmut Piliriamik, pigiaqtitausimajuq ICC-kut Iksivautangata Allavvingani, kajunngiqsaitittillutit amma pivissaqaqtittillutit inuusuttunik ilittinasuttugit qanuq tukiqarmangaaq sivumuaqtittinirmik Inuit pijunnautingit nunarjualimaamik piliriangujunik.

TAMAANI ARRAAGUMI PIMMARIALUIT QANULIURUTAUSIMAJUT



Arraagu iluani, ICC-kut Kanatami iqqanaiaqtingit kajunngiqsailauqtut ammalu ikajuqtuillutit ilauqataujunik Inuit Inuusuttunut Katimaniujumik Piliriami, piqasiujjaullutit 3 inuusuttut Kanataminngaaqsimajut. Una pigiaqtitausimajuq ICC-kut Iksivautangata allavvingani, IYEP-kut pitaqaqtittivattut pivissaujunik inuusuttunut iliqullugit qanuq tukiqarmangaaq sivumuaqtittinirmik Inuit pijunnautinginni amma pijumajanginni nunarjualimaami piliriangujunik. Ikajulauqtavut inuusuttut Alaskamiutat, Kalaallit Nunaanimiutat, ammalu Kanatamiutat aullatittugit amma ilauqatautittugit quttiniqsakkut aajiiqatigiinniujunik ajjigiingittunik qanuiliurniujunik.



AUGUST 2025: WAVES 2025 Nunarjuarmi Nunaqaqqaqsimajut Uqaulisilirinirmut Katimavijjuarniq, Ottawa, Kanatami. Kanataup Allavvingani Kamisinaup Nunaqaqqaasimajunut Uqaulisiliriq Katimatittilluni, ICC-kut Kanatami katimaqataulauqtut taassuminga iligumallutit nutaannguriaqtitausimajumik Inuktut pigiaqtitausimajut Inuit Nunanganilimaq ammalu kajunngiqsaijuttunik pijumallutit tavannga Nunaqaqqaqsimajut uqaulisilirinirmut piliriamik nunarjuarmiinnngaaqsimajunik.

AJJILIURIJUMINIQ: ICC KANATAMI



Inuit Innatuqait, sivuliqtiit, amma Qaujimaniquaqtunik katimatitaulauqtut amisummarinnut qaujimajitarnut ammalu unikkaarijaujunik; pimmarilauqtuq katimavijjuarnirmik uqautaulauqtuq ICC-kut angijuqqaamininganut Siila Watt-Cloutiermut.

OCTOBER 2025: Inuit Arnait Katimaninga, Sisimiut, Kalaallit Nunaanit. Katimatitaujuq ICC-kut Iksivautangata allavvinganut, una nunarjuarmi qanuiliurniujuk katittitilauqtuq Inunnik aanniaqtulirinirmik aanniasuqtinik, asijjiijinik, pijunnautinik-tigumiaqtinik, amma sivuliqtinik katujjillutit qaujimajaminik amma pilirijusittivanik tukimuagiaqtittinirmut amma sapujjisimanirmik pijunnautinginnu Inuit arnait amma nukappiat. 12 katimajaqtusimalauqtut Kanatamiinnngaaqsimajut kiggaqtuillutit 4-nik aviktuqsimaniujunik Inuit Nunanganik katiqatigalauqtut katimajaqtusimajunik Alaskamiinnngaaqsimajunik, Kalaallit Nunaanit, amma Chukotka (qarisaujakkut) uqausiqatunik amma katujjillutit sivulliqpaujaujunik pimmaruijunik piliriarivattanginnut Inuit arnait aaqqissuinirmik atuagarmik, iliqqusimik, amma kinguvaassattinnut. ICC-kut Kanatami ikajuqtuilauqtuq pannautaujumik ammalu aaqqittiaqsimajumik amisukallanik katimaniujuni Katimaniujumik.



MARCH 2026: ICC-kut Kanatami tunngasuttittilauqtut UNPFII-kunniinnngaaqsimajunik allavvitinut Ottawami. ICC-kut Kanatami Angijuqqaanga Herb Nakimayak uqausiqalauqtuq akunimmarialuk amma piliriarijattinni suli kiggaqtuijunik Inunnik UN-kunni. Quviasujjutiqallarlauqtugut tunngasuttittijarianga UNPFII-kut Iksivautangani Aluki Kotierk utiqtilugu ICC-kunnut Kanatami, Katimajiulaurmat arraagugasannut.



Katimaqataulauqtut inuit Arnait Katimaniqaqtillugit Sisimiut, Kalaallit Nunaanni, Utupiri 27 – 29, 2025.

AJJILIURIJUMINIQ: ICC KN

“

Pimmarialuuninga kasumaqatigiinniq Inuit arnanginnut nunagijattinni sanngattitauqialauqtut. tusainnalaauratta Katimavijjuanirmik, arnait sanngijjutigigattigu inuusittinni, ammalu sivuliqtiullutit qanulimaattiaq inuusittini. Una Katimavijjuarniq takutittillarilauqtuq qanuq pimmarialuuninginni inuuqativut inuusittini arnait katiqatigiippattut kinguvaariinut silatunirijaujut amma qaujimanirijaujut ammalu ikajuqsuijuttauqattarmata tamakkinut”

ICC-KUT IKSIVAUTANGA SARA OLSVIG, INUIT ARNAIT KATIMAVIJJUARNINGA, UKTUPIRI 2025

SUNAUNIALIRIVA?

ICC-kut Kanatami quviasuttummariujut piliriqatigariassa asinginni ICC-kut allavvinginni ikajuqtuqtaukkanniqullugit inuusuttunut ilaunirijauvattut uvagut pilirianginni. Piliriqatigainnarniaqtugut uvagut ITO-kunginni ammalu asinginni Ukiuqtaqtumi Nunaqaqqaqsimajunik amisukallannik nunarjuarmi katimaniujunik Nunaqaqqaqsimajut pijunnautingit ippigijauttiaqullugit amma makimatitauttiaqullugit.

Kinaujat Unikkaat

INUIT UKIUQTAQTUMIUQATIGIIT KATIMAJINGIT (KANATAMI) TIMINGA KATISIMANGITTUT NAINAAQSIMAJUT TITIRAQTAUSIMANINGITA TAAKKUA KIINAUJALIRIJJUTIMINIIT

Arraagu isulippat Maatsi 31, 2026

	2026	2025
PIQUTIGIAUJUT		
Ullumi piqutiit:		
Kiinaujat	\$ 8,064,318	\$ 4,251,462
Tauqsutiminiit amma akiliqtauvarialiit katujjiqatigiimut	461,559	449,602
Akiliqtausimajariiqitut akiliksanut	21,705	30,684
	8,547,582	4,731,748
Sivitujumut:		
Aturaksat akitujuutiit piqutingit	9,993	8,860
	\$ 8,557,575	\$ 4,740,608
AKILIKSAUTUINNARIALIIT AMMALU AMIAKKUT PIQUTIGIAUJUT		
Ullumi piqutiit:		
Akiliutigijariaqaqtut akiliksat ammalu nuaksimajut akiliksat	\$ 733,955	\$ 762,261
Qiinaujat ukiuq nutaamut nuutaujut	7,668,447	3,838,359
Maannaujuq ilanga pijaksarijaujut ataani akitujunut atuqtuarnirmut	1,899	1,772
	8,404,301	4,602,392
Pijaksarijaujut ataani akitujunut atuqtuarnirmut	4,218	6,527
	\$ 8,408,519	\$ 4,608,919
Akilirialiit akiliqtaulauqtillugit piqutiit:		
Kiinaujat atuqtat akturaksanut akigujuutiit piqutinut	3,876	561
Killiqaqtitaugutiqangittut	145,180	131,128
	\$ 149,056	\$131,689
	\$ 8,557,575	\$ 4,740,608

	2026	2025
KIINAUJQAQTITSIGUTAUJUT		
Gavamatuqakktut–Nunaqaqqaqsimajut Piliriatigiinningit amma Ukiuqtaqtumiutalirijiit Kanatami	\$ 729,822	\$551,050
Iqalulirijikkut amma Imarmiutalirijikkut Kanatami	45,872	93,964
Avatiliriniq amma Silaup Asijjipallianinganut Kanatami	457,722	291,836
Nunarjuarmi Piliriat Kanatami	831,695	681,831
Gordon amma Betty Moore Timiqutinga	184,044	228,494
Nunavut Gavamakkut	150,000	150,000
I.C.C.-kut Timiqutinga	280,877	180,195
ICC Kalaallit Nunaat	15,933	35,921
Nunaqaqqaqsimajunut Pijiqtitiraqtiit Kanatami (FNIHB)	23,100	58,825
Inuit Tapiriit Kanatami	386,784	413,602
Inuvialuit Pivalliajulirijingita Kuapuriisanngani	128,000	109,154
Makivvik	25,000	107,773
Memorial Silattuqsarvigjuaq (CFREF)	846,823	663,941
Qanuittutuinnaniingaaqtut	56,465	31,618
Nunatsiavut Gavamangat	100,000	79,858
Nunavut Tunngavik Timinga	175,000	203,485
Tariunga Ukiuqtaqtuup Sapujjausimanganut Katujjiqatigiit	190,505	-
Pauktuutit Inuit Arnait Kanatami	170,000	-
Ukiuqtaqtumi Qaujimanijut Kanatami	104,650	-
Silattuqsarvigjuaq Laval	60,891	61,299
Kanatami Katimajiit Sanannguarnirmut	-	131,000
Kanatami Katimajiit Tuquqtausimajunut	-	28,071
Uqalimaagaqarvik amma Tuquqtausimajut Kanatami	-	66,998
Makivvik (allavvinga)	-	26,780
Silattuqsarvigjuaq Manitoba	-	53,900
Silattuqsarvigjuaq Saskatchewan	-	25,311
	\$ 4,963,183	\$ 4,274,906
KIINAUJAT ATURNIKUT		
Kiinaujjaksat ammalu ikajuusiat	2,602,050	2,257,327
Aullarutiit	580,117	693,094
Qaujimalitarmut akiliutit	942,599	850,408
Paippaalirijinut akiliutit piliriatsanut	332,222	268,257
Tusaqattautilirinirmut	308,566	192,257
Atuqtuarutimut illumik, sunakkutaanut ammalu illuqtaujujut	173,133	145,458
Aulatsijjutinut akit	108,100	129,479
Utiqtuminiit paippalirininirmut akiliutiminirni pilirianut	(332,222)	(268,257)
Akiliqtuinirmut sukkaittumik akitujuqturutinut akilirialinnut	3,251	3,934
Tunisilutit ukununga ICC Kalaallit Nunaat	228,000	-
	\$ 4,945,816	\$ 4,271,957
Amiakktut kiinaujait aturnikuit qaangagut akiliqturalit	\$ 17,367	\$ 2,949

TITIRAQSIMAJUT MIKSAANUT KATISIMANGITTUT NAINAAQSIMAJUT TITIRAQTAUSIMANINGITA TAAKKUA KIINAUJALIRIJJUTIMINIIT

Arraagu isulippat Maatsi 31, 2026

1. Aulattijjutingit ammalu Pijjutingit Katimajingit

Katimajingit kiinaujaliurasuaqtiunngittunut timiujunit Titiqqanit Maligialinnik iluaniittunik maligarnit Ilanganni 2–mit Kanatami Kuapuriisaujunut piqujanginni Nuuvippi 5-mit, 1984–lisarnit, pigialauqsimajut aulattijjutinut Aipulu 1–mi, 1985–mit. Pigiaqtuni Nuuvippi 1, 2013, Kuapuriisaujuq malittutit titiraqsimajunit Kanatami Kuapuriisakkut Piqujanginnimi Kanatami kiinaujaliurasuaqtiunngittunut piqujarnit. Katimajiit akiliqsuinnngittut taaksiijarutininik.

Turaagali Katimajiit saqqijaaqtittlutik Inuit piqqusingit Kanatami ammalu ukiuqtaqtumi ammalu qaujittaukkanirlutit inunnik, pivallianirmit piqqusinginnillu qaujijaukkanirlutit ammalu Inuit..

2. Katiqsuqsimanngittut Unikkaat Nainaaqsimajut Kiinaujait Titiraqsimaningit

The non-coatiqsuqsimanngittut unikkaat nainaaqsimajut kiinaujait titiraqsimaningit pijausimajut qaujisaqtaugiiqsimajunik katiqsuqsimanngittut kiinaujait titiraqsimaningit, titiraqtaullutit malittutit Kanatami kiinaujalirijjusinginni maligarnit kiinaujaliurasuaqtiunngittunut Ilagillugu III CPA–mit Kanatami Maligarnit – Kiinaujalirijjutiit isulittutit maajji katiqsuqsimanngittut kiinaujait titiraqsimaningit Maajji 31, 2025-mit.

Taakkua titiraqtausimajut katiqsuqsimanngittut unikkaat nainaaqsimajut kiinaujait titiraqsimaningit aulattijjinut qajiusaqtaugialiit malittiarluarmangaata katiqsuqsimanngittut nainaaqsimajut unikkaat titiraqsimaningit malittiaqullugit, titiraqsimajulimaaniinngaarlutit, naammakkaluaqqata naamaninngikkaluaqqata titiraqsimajut unikkaat qaujisaqtausimajunik katiqsuqsimanngittut kiinaujalirinirmut titiraqsimaningit.

Taakkua katiqsuqsimanngittut kiinaujalirinirmut titiraqsimaningit titiraqtausimajut aulattisijimut malittutit maligarnit:

(a) tukisigiarutiit katiqsuqsimanngittut unikkaat nainaaqsimajut kiinaujait titiraqsimaningit angirutausimajut tukisigiarutinut asinginnut pijariiqsimajunik qajiusaqtaugiiqsimajunik katiqsuqsimanngittut kiinaujalirinirmut titiraqsimaningit; amma

(b) aimainniraluqqata, titiraqsimajulimaanik, katiqsuqsimanngittut nainaaqsimajut unikkaat titiraqsimajut kiinaujait iluliqaraluqqata tammaqsimajuqtaailimagaluarlutit uvvaluunniit malittianngittunit saqqiqtaumajuk pijariiqtausimajunik qaujisaqtaminirnit katiqsuqsimanngittut kiinaujait titiraqsimaningit, piqasiutillugit unikkaat tavvani.

Aulattiji qaujisaqtuq katiqsuqsimanngittut titiraqsimaningit asujjigialinnit piijaiviugiqsimanngittunik amma katiqsuqsimanngittut titiraqsimaningit kaasinit tukisigiakkannirutaunatit amma piqasiujjngittut katiqsuqsimanngittut kiinaujalirinirmut titiraqsimaningit.

Pijariiqtausimajut qaujisaqtausimajunik katiqsuqsimanngittut kiinaujait titiraqsimaningit Inuit Ukiuqtaqtumiugatiit Katimajingit (Kanatami) Timinga, atuinnaujut pijaujumajuqarniqqat qaujigiarvigilugit Katimajingit.

Tunirrusianik Nalunaiqsiniq

ICC Kanatami qujagijalipaaluut kajusiinnaqtumik ikajuqtigivattaminnik kiinaujaqaqtitsijigivattatinnik quviasuppullu qujagijamingnik taisijariaksaq ukuninga kiinaujaqaqtitsijunit arraagumut 2025-2026:

INUIT KATUJJIQATIGIINGIT / GAVAMAKKUT

Inuit Tapiriit Kanatami
Inuvialuit Pivalliajulirijingita Kuapuriisanngani
Makivvik
Nunatsiavut Gavamangat
Nunavut Tunngavik Timinga
Pauktuutit Inuit Arnait Kanatami

GAVAMAKKUT

Kanatami Sivulliqaq Qaujisarnirmut Piuniqpaanut
Kiinaujat (ukutiguunna Memorial Silattusarvijjuaq)
Kanatami Sikusiutikkut
Gavamatuqakkut–Nunaqaqqaqsimajut
Piliriatigiinningit amma Ukiuqtaqtumiutalirijiit
Kanatami
Iqalulirijikkut amma Imarmiutalirijikkut Kanatami
Avatiliriniq amma Silaup Asijjipallianinganut
Kanatami
Nunarjuarmi Piliriat Kanatami
Nunavut Gavamakkut
Nunaqaqqaqsimajunit Pijiqtiraqtiit Kanatami–
Allait Inuit Aannaaqarnangittulirijikkut (FNIHB)
Ukiuqtaqtumi Qaujimanuujut Kanatami

ASINGIT

Ukiuqtaqtumik Tukisiniaqatigiit / Silattuqsarvigjuaq
Laval
Kuin Nunangani Nunaup Ataani Qaujisarniq
Gordon amma Betty Moore Timiqutinga
MakeWay Timiqutinga
NordForsk / Ottawa Silattuqsarvigjuaq
Novo Nordisk Kanatami Timinga
Tariunga Ukiuqtaqtuup Sapujjausimananut
Katujjiqatigiit
PEW Timiqutinga (Lenfest)



INUIT

**INUIT CIRCUMPOLAR COUNCIL CANADA
75 ALBERT STREET, SUITE 1001
OTTAWA, ONTARIO K1P 5E7**

WWW.INUITCIRCUMPOLAR.COM